

甘肅青史略

甘肅青史略卷之六

隋大業十三年

恭帝侑義甯元年長樂王竇建德丁丑元年魏公李密元年定楊可汗劉武周天興元年梁王梁師都永隆元年秦王薛舉秦州梁王

銑鳴鳳元年是

春三月梁師都據朔方稱帝又鹽川郡拔之

師都秦州人

郎將大業末罷歸結徒起盜殺郡丞唐世宗據郡稱大丞相聯兵突厥得印以為

戰敗之因略定雕陰弘化延安白為梁國僭皇帝位祭天於城南坎地瘞王得印以為

建元永隆始舉可汗遣以狼頭纛號大鹽毗伽可

汗解事天子遂導突厥兵居河南地拔度川

案隋鹽川郡即明之花馬池營今改為鹽池縣屬甯夏唐初沒梁師都武德元年僑治靈州貞觀元年州省以縣隸靈州二年師都平復置州天寶元年更郡曰五原貞元三年沒

吐蕃九年復城之雕陰綏德州弘化即榆林府延

安即延安府皆在陝北與甘邊接壤與甯夏尤近

慕壽祺曰大業末朔方郎將梁師都與馬邑校尉劉武周各據郡起兵未幾薛舉起金城

李軌起涼州與夫原州之奴賊亦乘眾保鄯里斯時也隴東隴南河西漠北不知幾人

帝幾入稱王矣天將生真帝王出而治世則必有無數之僞帝王

以為之先驅蓋不大亂者不大治也自古如此豈但今日也哉

夏四月癸未金城校尉薛舉起兵隴西自稱西秦霸王

舉驍勇絕倫家資巨萬交結豪傑雄於西邊金城令

郝瑗募兵數千使舉將之以討羣盜舉與其子仁果及同黨十三人劫瑗發兵開倉賑施自羅西秦霸王賊帥宗羅喉岷州羌酋鍾利俗各擁衆歸之舉兵大振隋將皇甫綰將兵屯枹罕舉選精銳二千人襲之遂克枹罕以仁果為齊王仁越為晉王羅喉為興王分兵略地取西平洮河二郡未幾盡有隴西之地卒至三十萬

案魏書地形志東梁州金城郡領直隸縣河州金城郡領榆中大夏二縣宋書州郡志金城郡縣自晉安帝以來寄治漢中南鄭縣宋書及沈攸之傳稱邊築為金城人不言其倚治南鄭亦缺憾也隋開皇九年廢武始郡改置蘭州然隋書地理志金城縣舊注曰子城帶金城郡是蘭州雖屬新設而金城名稱如故薛舉起平時綱曰書曰金城校尉仍舊名

也稱

六月唐公李淵遣世子建成及世民擊西河郡拔之斬郡丞高德儒西河郡不從淵命淵

使建成世民將兵擊之郡丞高德儒閉城拒守攻拔之執德儒至軍門世民數而殺之建成等引兵還

秋七月丙辰武威司馬李軌起兵河西自稱涼王軌家富任俠薛舉起兵河西軌與同郡豪傑謀保據河右衆遂共推

為主軌乃結豪民及諸胡起兵稱河西大梁王薛舉遣其將常仲興擊李軌與軌將李寶戰於昌松仲興敗沒寶欲盡阮之軌不許盡縱之

薛舉攻陷渭源城縣令裴倫死之倫既遇害其妻柳氏謂女及子婦曰我輩遭此禍亂命也若辱於賊其若汝父之死義何逾相繼投井死

薛舉自稱秦帝徙據天水

薛舉稱帝改元曰秦興立仁果為太子遣仁果將兵取天水徙都之仁果多力善騎射軍中號萬人敵然性貪而好殺其

克天水悉召富人倒懸之以醋灌鼻責其金寶舉每戒之曰汝之才略足以辦事然苛虐無恩終當覆我國家

慕壽祺曰自古人所歸者天所與人所畔者天所去也煬帝誠天之所去非人力也薛氏乘隋室將亡取威定霸賊帥宗羅喉羌酋鍾利俗皆率眾歸之此誠天之所福宜思所以保民之道今仁果甫入秦州不聞布德音除弊政惟皇皇焉為搜刮金寶計倒懸富人以醋灌鼻似此苛虐成性綠林自好者尚不忍為而謂舉大事者為之乎夫以寇盜之行為雖據天下上游地而人心既去瓦解土崩且晚間事耳初不解後之學仁果者猶曰天水完富士馬最彊藉一隅以抗九州其亦愚人也已矣

冬十一月薛舉侵扶風唐王淵清秦公世民擊敗之又使姜謩竇軌安撫隴右

舉遣仁果侵扶風李密拒之舉遣使招弼弼乃請降時舉舉眾號三十萬謀取長安淵使世民將兵逆擊大破之又使姜謩竇軌安撫隴右進至長道為薛舉所敗謩等引還

張掖康老和舉兵反

隋河池太守蕭瑀以郡降唐

先是薛舉使其子仁感掠河池太守瑀卻之使仁果圍秦州克之遂自金城徙都秦州至是李淵使姜謩竇軌出散

關安撫隴右為舉敗於長道引還河池太守瑀以郡降唐以瑀為禮部尚書封宋國公時榆林靈武平涼安定漢陽諸郡相繼皆降於唐

是歲姑臧公世民復安定郡

初煬帝大業十二年秋九月安定荔非世雄殺臨涇令舉兵作亂至是收復

案元魏改晉安定郡為涇州領郡六縣十其安定郡在今鎮原縣史店馬家地其地有當原城有胡城領縣五日安定曰臨涇曰朝那曰烏氏曰石堂隋開皇初又徙治在今涇州

是漢安定縣舊地非漢晉之安定郡也

吐谷渾伏允復其故地

先是大業五年夏帝親征吐谷渾時伏允保覆袁川帝命內史元壽等四面包圍伏允以數十騎遁平吐谷渾置鄯善郡並置

且末青海河源總四郡青海郡在古伏俟城河源郡在青海南本吐谷渾赤水城至是天下大亂羣雄蜂起伏允遂復吐谷渾地

慕壽祺曰煬帝既破吐谷渾郡縣青其意氣之盛將與秦皇漢武並駕齊驅矣曾幾何時復為伏允所得與王莽如出一轍何失之易也夫內政不修徒務遠略終非國家之福

古今似此者多矣豈煬帝而已哉

戊寅 隋恭帝侑義壽二年

恭帝侑皇泰元年唐高祖神堯皇帝李淵武德元年夏王竇建德五鳳元年梁王李軌安樂元年楚王朱粲昌達元年是歲二

月隋煬帝亡 夏四月武都宕昌五原等郡降唐唐以張長遜為五原太守 初五原郡守張長遜

以中原大亂舉郡附突厥和緩說薛舉與梁師都及蘇厥連兵入寇突厥莫賀咄設許之唐主遣宇文歆路莫賀咄設且為陳利害並說莫賀咄設遣張長遜入朝而五原地莫賀

咄設並從之至是武都宕昌五原等郡皆降即以長遜為五原太守

案唐志宕州懷道郡本宕昌郡在今岷縣境天寶元年更名土貢麩金散金麩香戶千一百九十口七千一百九十九縣二懷道良恭今岷縣正南一百二十里有宕昌鎮即隋之

宕昌郡也

### 五月隋西戎使者曹瓊據甘州李軌滅之拔張掖

軌隋鷹揚府司馬也初薛舉據金城軌與同郡曹克謀曰薛舉必來

侵暴不如相與拒之保守河西衆奉為主軌乃令安修仁集諸部守姑臧自稱涼王敗薛舉於昌松西突厥有闕可汗者與軌連和隋西戎使者曹瓊據甘州聯突厥共擊軌兵大

敗走達斗拔谷與吐谷渾相依軌尋滅之進拔張掖敦煌西平枹罕盡有河西五郡之地

案甘州府志達斗拔谷即大斗拔谷之轉音也山丹縣志大斗拔谷在縣東南一百二十里俗訛為廬豆溝口一統志云即今扁都口也府志通青海道今往青海西甯多由此隋

伐吐谷渾經大斗拔谷山路險隘魚貫而出唐貞觀八年李靖討吐谷渾還上遣使勞軍於大斗拔谷又永昌縣志大斗在縣西南元和志在涼州西二百里本赤水軍守提唐開

元中改為大斗軍因大斗拔谷故名天寶初以哥舒翰為大斗軍副使

### 薛舉攻平涼郡陷之

高祖入長安薛舉猶據隴右遣其將宗羅暎攻陷平涼郡北與頡利連結高祖患之遣光祿卿宇文歆齎金帛以賂頡利歆說之令絕交

於薛舉

唐約吐谷渾擊李軌

先是隋煬帝初吐谷渾王慕容伏允遣子順來朝帝令鐵勒襲擊大敗伏允東走保西平郡帝復令親王雄出澆河以掩之大破其

衆伏允遁逃部落來降十餘萬口伏允因南遁於山谷間其故地皆空自西平臨羌城以西且末以東祈連以南雪山以北東西四千里南北二千里皆為隋有置郡縣鎮戍發天下輕罪徙居之於是留順不之遣伏允無以自資率其徒數千騎客党項大業末天下亂伏允之長子順前質留於江都者聞高祖受命自江都還長安伏允亦復其故地是時李軌據涼州高祖乃約伏允和令擊軌自效當護送順伏允喜引兵與軌戰庫門交綏止即遣使請順高祖遣之

案西甯府志古西平郡有二魏晉西平本漢臨羌縣地唐為鄯城縣宋為青唐城置西甯州即今府治隋西平乃漢破羌縣地唐宋時為樂都唐為鄯州宋為邈川城置樂州在今縣西又敦煌縣志且末城在縣西漢書鄯善國西通且末七百二十里國王治且末城

慕壽祺曰甘肅誠多事區哉必待政府出兵鄰邦援救軍事頃刻萬變雖鞭之長不及馬腹矣即令大軍雲集而遠來疲倦人地生疎能保其一戰而勝乎有心人盱衡其間計惟有用甘肅之兵平甘肅之亂否則以毒攻毒我可以坐享其成此策之萬全者也觀唐高祖之平李軌但用一伏允足矣

秋七月唐秦王世民與秦主舉戰於高城敗績

舉由天水進逼高城游兵至於鹽岐勢益張唐主命秦王世民及八總管

率兵擊之秦王深溝高壘不與戰會世民得瘡疾委軍事於長史納言劉文靜司馬殷開山且戒之曰薛舉懸軍深入食少兵疲若來挑戰慎勿應也俟吾疾愈爲君等破之關山退謂文靜曰王慮公不能辦故有此言耳且賊聞王有疾必輕我宜囑武以威之乃陳於高墟西南恃衆而不設備舉潛掩其後王子戰於淺水原八總管皆敗士卒死者十五六大將軍慕容羅喉李安遠劉私基皆沒世民引兵還長安舉遂拔高墟收唐兵死者爲京觀文靜等皆坐除名

案舊唐書劉文靜傳薛舉寇涇州太宗討之以劉文靜爲元帥府長史又劉弘基傳弘基從太宗討薛舉時太宗以疾頓於高墟弘基劉文靜等與舉接戰於淺水原王師不利八總管咸敗惟弘基一軍盡力苦鬪矢盡爲舉所獲高祖嘉其臨難不屈賜其家粟帛甚厚仁杲平得歸復其官爵又殷嶠傳嶠從擊薛舉爲元帥府司馬時太宗有疾委軍於劉文靜誠之曰賊衆遠來利在急戰難與爭鋒且宜持久待糧盡然後可圖嶠退謂文靜曰王體不安慮公不濟故發此言宜因機破賊何乃以勅敵遺王也久之言於文靜曰王不豫恐賊輕我請耀武以威之遂陳兵於折墟爲舉所乘軍乃大敗嶠坐城死除名後從平薛仁杲復其爵位

案一統志高墟城在涇長兩界後魏以長武爲東陰盤縣其故城在今長武縣西北五十里與涇州連界唐武德初薛舉陷涇州進逼高墟卽此涇州與長武接壤唐貞觀二年復置宜祿縣卽今長武集覽謂高墟城名在今直隸霸州保定縣殊饒善高墟在陝甘分界處地屬薛舉去保定縣相去甚遠保定乃燕南之地時爲夏王寶建德所據

### 八月秦主舉卒子仁杲立

郝援言於薛舉曰唐兵新破關中騷動宜乘勝直取長安舉然之會病卒郝援哭舉而死仁杲爲太子時與諸將多有隙



及即位衆心猜懼由是寢弱秦王世民至高城時仁果居折城使宗羅喉將兵拒之羅喉所將皆隴上驍將悍卒

案通鑑考異唐高祖實錄先作仁果後作仁果新舊唐書高祖太宗紀薛舉傳柳芳唐歷柳宗元集皆作仁果太宗實錄吳兢太宗勳吏革命紀焦璐唐朝年代記陳嶽唐統記皆

作仁果今醴泉昭陵前有石馬六匹其一銘曰曰曬烏平薛仁果時所乘此最可據姑兩存之以備參攷

又案涇州志折城在州東北十五里西魏涇州刺史乙弗貢所築隋末薛舉屯據於此舉死仁果復竊據武德元年討平之明一統志薛舉城即折城張煥先薛舉城詩昔年

擾擾風塵地回首悽迷幾斷腸破壘晚霞翻落綺殘籬新月照邊陲干霸氣一朝歇城圍雄圖兩世忙豫信孤兒無寸土山河海不早歸唐

慕壽祺曰薛舉言論事功無所攷然其人非執迷不悟者比初舉陷扶風乘勝謀取長安爲秦王世民所敗追奔至隴坻而還舉問其羣相曰自古天子有降事乎其歸唐之意露

於言外使郝援迎其機而利導之則趙佗歸漢劉禪仕晉轉禍爲福薛氏之幸唐人總管之師亦可以保全乃褚亮勸之降郝援阻之甚力所謂一言喪邦者是之謂與後哭舉而

死又何取乎

### 秦圍涇州唐兵敗績守將劉感死之

武德初感以驃騎將軍戍涇州至是爲仁果所圍糧盡殺所乘馬啖士而食骨自飲和木屑以

食長平王叔良救之與叔良出戰爲賊所執令感約城中降感僞諾至城下大呼曰賊大飢亡在朝暮秦王數十萬衆且至勉之無苦仁果怒執感埋其半土中馳射之至死詈益

其賊平高祖購得其尸祭以少牢贈濼州刺史

案甘肅通志唐初涇州鎮將劉感自高塘引還涇薛仁果自南原馳下與感戰於百里細川感為所擒高塘城在涇州南原上百里城在靈臺縣境細川水源出陝西麟游縣細川

谷流入靈臺縣東南二里上流與蒲川合下流與三交川合

案靈臺縣志百里城在縣西五十里亦曰白城唐李元諒築即今百里鎮九域志靈臺縣有細水沁道元水涇注蒲川水在靈臺縣南山蒲谷東北合細川水後魏永安三年

高平賊万俟醜奴屯安定耕於細川即此

冬十一月涼王軌稱帝先是唐主欲與李軌共圖秦隴遣使招撫之謂之從帝軌大喜遣弟入貢唐遂册拜軌為涼王至是自稱帝改元安樂

唐秦王世民破秦兵圍折墪秦王仁果出降時世民軍高塘壁不出諸將請殺世民曰我軍新敗士氣沮喪賊恃勝而驕

有輕我心官門壁以待之彼驕我奮可一戰而克也乃令軍中曰敢言戰者斬相持六十餘日仁果糧盡所部多降世民乃命梁實營於淺水原以誘之羅喉大喜盡銳攻之數日

世民度其已疲謂諸將曰可以戰矣使羅玉陳於原南羅喉并兵擊之玉幾不支世民乃引大軍自原北其不意自帥驍騎陷陳羅喉軍潰世民帥騎追之寶軌叩馬苦諫世民曰

破竹之勢不可失也遂進圍之仁果將十多叛計窮出降得其精兵萬餘人世民還至長安唐主命誅仁果於市并酋黨數十人

案唐地理志原州平涼郡領縣三治高平本隋平涼郡武德元年平薛仁果置貞觀五年  
置中郎督府管七州曰原州曰今鎮原縣曰慶州曰故慶陽府曰會州曰今靖遠縣曰延  
州曰陝西故延安府曰亭州曰今華亭縣曰遼州要州未詳處所十年省亭遠慶三州惟  
督四州是鎮原在唐初最為重要薛仁果進圍涇州居高城秦王帥數十萬衆四面俱  
集東至邠州長城北至原州平高皆爲王師屯住之地鎮原縣志淺水原在縣屯子銀東  
下爲淺河鋪上爲淺水原其下流則入陝西長武縣境今邠州城西九十里宜祿廢縣北  
五里有後魏淺水縣因水而得名也唐地理  
志貞觀二年置宜祿即今邠州所屬長武縣

又案舊唐書屈突通爲太宗行軍元帥長史從平薛舉時珍物山積諸將皆爭取之通獨  
無所犯高祖聞而謂曰公清正奉國著自終始名下定不虛也特以金銀六百兩綵物一  
千段賜之又竇抗傳楊玄感作亂高祖統兵隴右竇抗言於高祖曰玄感抑爲發縱耳李  
氏有名圖籙可乘其便天之所啓也高祖曰無爲禍始何言之妄也大業末抗於靈武巡  
長城以伺盜賊及聞高祖定京城抗對衆而怵曰此吾家妹婿也豁達有大度真撥亂之  
主矣因歸長安高祖見之大悅握手引坐曰李氏竟能成事因縱酒爲樂尋拜將作大匠  
武德元年以本官兼納言常侍宴移時或留宿禁內高祖每呼爲兄而不名也宮內咸稱  
爲舅常陪侍遊宴不知朝務轉左武侯大將軍領左右千牛備身大將軍尋從太宗平薛  
舉勳居  
第一

慕壽祺曰隋末之亂極矣是時天下騷擾百姓多相聚爲亂豪傑蜂起李密據洛口會稽  
魏公竇建德據樂壽稱長樂王林士弘據翻陽稱楚帝薛舉據天水稱秦帝李軌據武威

稱涼帝蕭銑據巴陵稱梁帝劉武周據馬邑稱定陽可汗梁師都據朔方稱梁帝杜伏威據歷陽稱總管而李淵亦起兵於太原淵得突厥援子世民又神武蓋世遂入長安繼起者又有宇文文化及之為許帝王世充之為鄭帝高克道之稱燕王劉黑闥之稱漢東王徐元朗之稱魯王沈法興之稱梁王李子通之稱吳帝朱粲之稱楚帝郭子和之稱永樂王唐初號令殆不及河南關東秦王世民之力六年之間次第削平海內復見一統之治蓋由分而合自關定數撥亂反治實賴聖人李密見秦王於邠州不覺驚服私謂殷開山曰真英主也不如是何以定禍亂乎正唐高祖武德元年十一月秦王薛仁果出降時也

附舊唐書隋大業中秦隴盜賊蜂起以屈突通為關內大使時安定人劉迦論舉兵反據隴陰郡僧統建元署置百官有衆十餘萬稽胡首領劉鷓子與迦論相影響通發關中兵擊之師臨安定初不與戰軍中以通為怯通乃揚聲旋師而潛入上郡迦論不知覺遂進兵南寇去通七十里而舍分兵掠諸城邑通候其無備簡精甲夜襲之賊衆大潰斬迦論并首級萬餘於上郡南山築為京觀虜男女數萬口而還

### 十二月唐遣竇軌討薛舉餘黨於隴西

今西和縣西北有鄧公營謂唐初行軍元帥竇國公竇軌屯兵處

### 隋唐

(巳)隋恭帝侗皇泰二年唐武德二年鄭王王世充開明元年梁王沈法興延康元年吳王(卯)李子通明政元年是年以後分據諸國依去國之例非建國改元嗣位歲首俱不備錄

春唐以楊恭仁為涼州總管

恭仁素習邊事曉羌胡情偽民夷悅服自葱嶺以東並入朝貢

高昌王麴伯雅死子文泰嗣

遣使來告哀高祖遣前河州刺史朱憲表往弔之

案史高昌王本漢族雖僻在西垂而其國別有文字狀如今蒙古文亦一字一音明初十國譯語中有高昌一種其王文泰於武德初嗣位年號延壽太宗貞觀十三年以麴王退絕西域朝貢復與突厥擊伊吾破焉耆下書切責徵文泰入朝又稱疾不至唐發兵討之文泰憂懼而卒國降以其地置西州先是貞觀三年玄奘禪師求法於婆羅門國由敦煌至高昌國文泰厚待之瀕行則為度沙彌四人以充給侍製服三十具以西土多寒又造面衣手衣靴襪等各數事黃金一百兩銀錢三萬綾及絹等五百匹手力二十五人令充二十年往還之資復遣殿中侍御史歎信送至葉護可汗衛又作二十四封書通屈支等二十四國每一封書附大綾一疋為信又以綾絹五百疋果味兩車獻葉護可汗

突厥始畢可汗將其眾渡河至夏州梁師都發兵會之

曲赦涼甘瓜鄯肅會蘭河廓等九州

先是元年秋八月己丑以秦王世民為元帥擊薛仁果居折地城丁酉臨洮等四郡來降至是

詔赦會蘭河廓等九州夏四月河西平復曲赦甘州

夏四月唐遣安興貴襲執涼王軌以歸殺之河西平

先是唐册使至涼州軌欲去帝號受唐爵曹珍請依蕭督事魏

力也若往歸之  
則寶之珍復  
見於今日矣軌  
曰善於山河之  
圖彼者我何

故事軌乃遣鄧曉奉書稱皇從弟大涼皇帝臣軌唐主怒乃遣吐谷渾伐之至是軌將安  
修仁之兄與貴仕長安表請說軌唐主曰軌豈口舌所能下與貴曰臣家在涼州奕世豪  
望為民夷所附弟修仁又軌所信任軌聽臣固善不聽則圖之唐主乃遣之與貴至涼州  
乘間說軌以寶融故事軌不聽與貴乃與修仁結諸羌起兵擊軌軌敗被執河西平軌至  
長安斬於西市唐主以與貴  
修仁為左右武侯大將軍

慕壽祺曰李軌之不足成事也久矣夫寶融據河西阻軌姑臧固不困解倒懸滂流愷  
澤藹藹然可謂有愛民之心者矣李軌因隋之亂竊據一方官師法先哲子惠黎元斯邦  
本立而竊業成焉計不出此日汲汲焉發民築臺勞費甚廣加之以饑饉河右人相食軌  
初傾家財以賑之不足繼發倉廩是猶可與為善也乃惑於謝統師等之言坐視饑民之  
死而不之救由是士心離怨即無安與貴之憂悉軌亦不能久存  
蓋國以民為本民以食為天民無所得食雖欲不亡其可得乎

### 鄯州西平郡都督府

先是西魏文帝大統四年以柳檜為都督鎮鄯州隋煬帝大業  
五年詔安德王觀為澆河道總管五月帝至西平陳兵講武唐

運方新首重西平  
得馭夷之善策矣

### 突厥寇涼州

突厥莫賀咄設寇涼州總管楊恭  
仁戰敗突厥掠男女數千人而去

(庚辰)唐武德三年是歲並楚夏定陽梁師都梁  
蕭銳鄭梁法興吳凡九國定陽梁法興亡

秋七月丙戌梁師都導突厥稽落胡

寇邊行軍總管段德操又敗之

師都說突厥處羅可汗曰比者中原喪亂分為數國勢均力弱故皆北面歸附突厥今定陽既亡天下將

悉為唐有師都不辭灰燼亦恐次及可汗不若及其未定南取中原師都請為鄉導處羅從之謀大舉入寇而卒立其弟莫賀咄設咄苾號頡利可汗

詔以甯州道為折威軍涇州道為天紀軍

武德初置軍府以驃騎車騎兩將軍府領之甯州道涇州道皆置府至是改折威軍

天紀軍六年改驃騎曰統軍車騎曰別將

案太宗貞觀十年更號統軍為折衝都尉別將為果毅都尉諸府總曰折衝凡府三等兵千二百人為上千人為中八百人為下府置折衝都尉一人左右果毅都尉各一人長史

兵曹別將各一人校尉六人士以三百人為團團有校尉五十人為隊隊有正十人為火火有長兵之成邊者大曰軍小曰守捉曰城曰鎮而總之者曰道

又案隋置十二衛曰翊衛曰驍騎衛曰武衛曰屯衛曰禦衛曰候衛各分左右皆置將軍以分統諸府之兵有郎將副將坊主團主以相統治其外又有驃騎車騎二府皆有將軍

後更驃騎曰鷹揚郎將軍驍騎曰別將別置折衝果毅

慕壽祺曰唐有天下二百餘年而兵之大勢凡三變其始盛時有府兵沿隋

舊制也自府兵廢而為彘騎彘騎又廢而方鎮之兵起矣高祖初得天下都

長安以涇州今涇州甯州今甯州兩道為畿輔皆置府後又改為涇原原州今邠甯

外郎甯州節度使而終無藩籬之禍者蓋密邇神京之故耳

秋八月梁師都寇靈州州將蘭興榮長史楊則擊走之師都又與突厥千騎營野

兵不戰師都氣懈遣兵進擊戰酣德操自以輕騎出其旁乘之師都大潰逐北百里俘馘甚眾未幾以步騎五千入寇德操又盡屠其軍降堡將張舉劉旻六年其將賀遂索周以

所部十二州降德操

冬十二月己酉瓜州刺史賀拔行威反瓜州晉昌郡唐初析沙州之常樂置至五年

王唐武德五年漢東王劉黑闥天夏六月辛亥以車騎將軍元韶為瓜州道行軍

午造元年是歲楚亡並梁凡三國

總管以備突厥

吐谷渾寇洮旭疊三州岷州總管李長卿敗之旭州後周置在故洮州西南

秋八月甲寅吐谷渾寇岷州益州道行臺左僕射竇軌敗之隋改桃源縣唐武德八年廢



(庚)突厥寇原州彭州命秦王世民出秦州道禦之突厥頡利可汗寇邊遣左武衛將軍段德操將兵拒之頡利又

遣兵寇原州及彭州世民出秦州道以禦之段德操趨夏州邀其歸路尋寇廉州陷大震關

案彭州在今慶陽西南八十里本漢彭陽縣地後魏破赫連定於此置彭陽縣隋改曰彭原因彭池原為名唐武德初改置彭州貞觀初州廢縣屬甯州宋屬慶州元省餘見後肅

宗至德二載春正月帝如彭原注

(己)吐谷渾寇洮州

秋九月癸巳靈州總管楊師道敗突厥於三觀山

(丙)鎮軍將軍安興貴敗突厥於甘州時突厥內侵自邠東為諸將所逐至甘州又敗之

案唐志甘州張掖郡領縣二曰張掖曰刪丹張掖西北一百九十里祁連山北有懸康軍元年王孝傑以甘肅州相拒回遠置西一百二十里有蓼泉守拙城刪丹東北有居延海

又北三百里有花門山

冬十一月封靈州總管略陽公王道宗為郡王先是武德四年突厥寇靈州命李叔良率五軍擊之中流矢死贈左翊衛

案洛陽伽藍記魏河關王琨有妓女三百人盡皆國色有婢朝舞善吹笙能為深為秦州刺史窟光外叛屢討之不降琛令朝驚假為食烟吹鹿而乞諸荒聞之悉皆流涕送相謂曰何為棄墳并在山谷為寇耶相舉歸降樂民語曰快馬使兒不如老嫗吹

大將軍靈州總管時道宗為靈州總管梁師都遣弟洛兒引突厥數萬圍之道宗乘間出擊大破之突厥與師都連結遣其將據五原道宗擊逐之斤地千餘里

（癸未）唐武德六年是歲漢春二月唐岐州刺史柴紹擊吐谷渾敗之先是吐谷渾寇洮岷二州遣柴

紹救之為其所圍虜乘高射之矢下如雨紹遣人彈琵琶二女子對舞虜怪之相與聚觀紹察其無備潛遣精騎出虜陳後擊之虜衆大潰

夏四月己酉吐蕃陷芳州

案芳州在洮州西南即古甘松地周武成中於三交口築城置甘松防後改為芳州以地多甘松芳草故名領恆香深泉二郡唐置甘松府上元二年州陷吐蕃廢

壬申吏部尚書楊恭仁檢校涼州諸軍事

五月庚寅吐蕃黨項寇河州刺史盧士良敗之

六月吐谷渾寇岷州敗總管李長卿詔益州行臺右僕射竇軌渭州刺史且洛

生救之吐谷渾又寇洮州遣武州刺史賀亮禦之

秋七月丙子沙州別駕竇伏明反殺其總管賀若懷廓

慕壽祺曰竇伏明何其愚哉隋末隴上英雄互起薛舉李軌梁師都之徒亦嘗霸有一方而太宗夷兇剪亂次第盪平此乃天時非人力也沙州雖遠在關外大勢所趨別駕豈毫無所聞乃竟殺其總管反矣試思兵革以後民皆厭亂其孰肯棄墳墓捐妻子出萬死不顧之計從伏明於白刃間乎其亡也可立而待孔子所云犯上作亂者其卽此類也夫

唐

高祖甲武德七年夏六月慶州都督楊文幹反遣秦王世民帥兵討平之文幹華陰

人素凶諂太子建成昵之使爲秦州總管遣募兵送京師欲爲變時帝幸仁智宮秦王元吉從建成謂元吉曰秦王且徧見諸妃彼金寶多有以賂遺之也吾安得箕踞受禍安危之計決在今日元吉曰善乃命郎將爾朱煥校尉橋公山賈甲遣文幹趣興兵煥等懼至幽鄉白反狀甯州人杜鳳亦上變帝遣司農卿宇文穎驛召文幹元吉陰結穎使告文幹文幹遽率兵反帝以建成首謀未忍治卽詔捕王珪魏徵及左衛率軍監舍人徐師譽左衛車騎馮世立欲殺之以薄太子罪乃手詔召建成建成懼不敢往師譽勸遂舉兵詹事主簿趙弘智諫建成捐車服輕騎往謝罪乃詣行在所未至屏官屬徑人叩頭請死投身於地不能起帝怒夜囚幕中使兵衛守會文幹陷甯州帝驚以宮近賊夜率衛士南趣山行十餘里明乃還宮召秦王問計對曰文幹豎子耳官司當卽禽之就使假刻漏之久正須遣一將可辦帝曰事連建成恐應者衆爾自行還吾以爾爲太子使建成王蜀蜀地狹不足爲變若不能事汝取之易也秦王喜衆趨甯州文幹爲其下所殺以其首降

秋八月吐谷渾寇鄯州驃騎將軍彭武傑死之

突厥寇原州

遣甯州刺史鹿大師救之又遣楊師道趨大木根山攻於西而虜出於東原州雖云平靜而突厥復寇隴州遣護軍尉遲敬德擊之時突厥胡利二可汗

自原州入寇侵擾關中高祖議遷都以避之秦王世民不可乃將兵禦之

吐谷渾寇蘭州州兵擊走之

冬十一月契苾酋長詣沙州降詔處之於甘涼之間

契苾酋長何力率部落六千餘家降處於河西以何力為左領

軍將軍

乙酉八年春正月詔許突厥吐谷渾互市

突厥吐谷渾各請互市詔許之先是中國喪亂民乏耕牛至是資於戎狄雜畜被野

秋七月突厥寇邊詔右衛大將軍張瑾禦之敗績蓋州都督任城王道宗擊破

虜兵頡利遣使請和而退

涼州胡睦伽陀

一作睦迦多

引突厥襲都督府入子城長史劉君傑擊破之

遣燕郡王李藝屯華

討叛於國而有  
之而及甘泉也

亭縣及彈箏峽水部郎中姜  
行本斷石嶺道以備突厥

胡睦迦陀寇武興武興郡前涼張軌置  
在涼州武威縣北

置蘭州都督府至高宗顯慶二年  
又罷蘭州都督府

冬十二月以李靖為西海道行軍大總管節制諸軍擊吐谷渾先是吐谷渾寇涼  
州乙丑下詔大舉

討吐谷渾上欲得李靖為將為其老重勞之靖聞之請行上大悅十二月辛丑以靖為西  
海道行軍大總管節度諸軍兵部尚書侯君集為積石道刑部尚書任城王道宗為鄯善

道涼州都督李大亮為且末道岷州都督李道彥為赤水道利州  
刺史高甌生為鹽澤道行軍總管並突厥契苾之衆擊吐谷渾

案舊唐書吐谷渾寇邊以李靖為西海道行軍大總管統兵部尚書侯君集刑部尚書任  
城王道宗等五總管征之軍次伏俟城吐谷渾燒去野草以餒我師退保大非川諸將咸  
言春草未生馬已羸瘦不可赴敵唯靖決計而進深入  
敵境遂踰積石山前後戰數合殺傷甚衆大破其國

丙戌九年春正月黨項先內屬者皆叛歸吐谷渾

二月突厥寇原州遣折威將軍楊毛擊走之尋寇靈州

三月庚辰洮州羌叛入吐谷渾殺刺史孔長秀

夏四月突厥入寇涇原二州安州大都督李靖與頡利戰於靈州之峽口

自且至甲

突厥不支始退去

案甯夏府志峽口一名青銅峽舊屬靈州在金積堡西南中衛廣武營北兩山對峙河水經焉有禹王廟相傳夏禹導河至此又有古塔一百八座不知所始水經註河水又北逕臨戎縣故城西又北有支渠東出謂之銅口東逕沃野故城南銅口即今峽口山宋張舜民從征西夏過峽口山詩云青銅峽裏聿州路十去從軍九不同白骨似沙沙似雪憑君

莫上望鄉臺

五月突厥寇秦州

秋七月遣右衛大將軍榮紹破突厥於秦州斬特勒一人士卒四千餘級

突厥寇蘭州吐谷渾黨項寇河州

秋八月突厥復寇涇州

突厥頡利突利二可汗將衆寇涇州號十萬涇州總管尉遲敬德簡精騎二千隨虜進擒斬千餘級而虜騎長驅直進至渭水

便橋之北京師驚太宗自出玄武門詣渭水與頡利可汗隔水語責以負約頡利請和詔許之誓盟於便橋之北兵退蕭瑀曰突厥未和之時諸軍爭欲戰陛下不許而敵自退

其策安在帝曰突厥衆多而不整君臣之志惟賄是求故卷甲輜戈嗜以金帛彼既得所欲志必驕惰然後養威俟釁一舉可滅也將欲取之必姑與之此之謂也瑀謝不及案三輔皇圖長安城西門曰便橋橋北與門對因號便橋潘岳西征賦津便門以左轉究吾竟之所鑿張銑注便門便橋又案便門卽陝傳之平城門也平便音同通用

又案史唐高祖淵西涼公李嵩七世孫隋末起兵晉陽都長安時煬帝在江都淵乃遙尊爲太上皇而立恭帝侑自爲丞相加九錫未幾太上皇爲宇文化及所弑淵受恭帝禪是謂唐高祖改元武德時民國前一千二百九十三年也高祖武德九年太白經天秦王世民殺太子建成齊王元吉立世民爲太子決軍國事高祖自稱太上皇八月太子卽位是爲太宗

慕壽祺曰唐之發原家於隴西其成功也亦多在隴西煬帝大業中楊玄感作亂高祖統兵隴上其後隴西公建成率兵趨霸上敦煌世民略地至隴右不數年創成帝業萬物收成於西北諒哉然惟有德者能之高祖初入關中除隋苛禁繼以太宗豁達大度三百年天下已於是乎基矣夫豈恃強凌弱目以生事邀功於邊境者所能比其萬一哉

太宗丁亥貞觀元年春正月燕郡王李藝反涇州統軍楊岌討殺之藝之初入朝也

左右至是將兵成涇州懼誅詐稱奉敕勒兵入朝遂引兵據幽州統軍楊岌勒兵攻之藝衆潰將奔突厥左右斬之傳首長安

二月置隴右道置西平

時分天下爲十道

案西平郡本漢臨羌縣地即今西甯縣治後漢末析置西都縣兼置西平郡水經注湟水經西平城北東城即故亭也魏黃初中立西平郡憑倚故城增築南西北三城以爲郡治魏周時郡縣俱廢隋爲湟水縣後復置西平郡餘見後德宗興元元年秋八月李晟進爵西平王注

三月突厥入寇授尉遲敬德涇川道行軍總管以擊之

後十二年敬德爲鄜州都督上嘗謂敬德曰朕欲以

女妻卿何如敬德謝曰臣妻雖陋相與共貧賤久矣臣雖不學聞古人富不易妻此非臣所願也乃止

夏四月涼州都督長樂郡王李幼良有罪伏誅

子戊二年夏四月遣右衛大將軍柴紹等討梁師都其下殺之以降以其地爲夏

州

先是上知突厥政亂不能庇梁師都遣夏州都督長史劉旻司馬劉蘭成圖之旻等數縱反問其國漸虛表請兵上遣柴紹薛萬均擊之又遣旻等據朔方東城以逼師

都師都引突厥至城下劉蘭成偃旗息鼓不出師都宵遁蘭成追擊破之突厥大發兵救師都柴紹等將至朔方與突厥遇奮擊大破之遂圍朔方突厥不敢救城中食盡師都從

弟洛仁殺師都以城

降以其地爲夏州

幕壽祺曰道應符歷雖廢必與險據命湯雖成必敗師都跨有一方僭號稱帝卒與天水薛舉河西李軌同底滅亡者何哉蓋太陽昇而冰釋時雨降而妖校除甯我負人曹操



豈兼於天下以小抗大子楊終坐於井中故天命不可虛邀符籙不可妄冀

冬吐谷渾寇岷州都督李道彥擊之 是年十二月吐谷渾又寇鄯州

己丑三年秋八月僧玄奘至蘭州涼州都督李大亮追之不還 玄奘法師者俗姓陳河南緱氏人父慧拜

江陵令隋煬帝大業中解組而退牛四男奘其第四子也年八歲時父坐於几側口授孝經至曾子避席忽整襟而起問其故對曰曾子聞師命避席兒今奉慈訓豈宜安坐父甚悅之年十三出家東都淨土寺嘗言學貴經遠義貴疏通鑽仰一方未成探蹟至是生二十六年矣將以仲秋首塗求學印度又以西路艱險乃自試其心以人間衆苦種種調伏堪任不退既能自信乃始決心瀕行結侶陳表有詔不許諸人咸退惟玄奘不屈道俗皆力阻之答曰昔法顯智嚴亦一時之士皆能求法導利羣生豈使高跡無追清風絕後大丈夫會當繼之時有秦州僧孝達將自京還鄉玄奘遂與俱去至秦州停一宿逢蘭州伴又隨去至蘭州一宿遇涼州人送官馬歸又隨去至彼停月餘日時李大亮為涼州都督既奉禁約百姓不許出蕃之旨防禁特切此時有人報亮云有僧從長安來欲向西國不知何意亮使人相追逼還京師有僧慧威者聞玄奘求法之志極為贊嘆密遣二弟子慧琳道整竊送向西自是不敢公出費伏夜行送至瓜州瓜州者今安西縣在嘉峪關外往敦煌者必由此經過瓜州刺史獨孤開聞玄奘至頗不見拒因訪西方行程開云從此北行五十餘里有瓠蘆河上廣下狹洄波甚急深不可渡上置玉門關路必由之即西境之襟喉關外西北又有五烽候望者居之各相去百里中無水草五烽之外即莫賀延磧伊

吾國境玄奘聞之不免愁憤所乘之馬又死遲回未發而追牒又至蓋涼州刺史訪知玄奘實未還京故移牒瓜州云自僧字玄奘欲入西蕃所在州縣宜嚴候捉州吏李昌密懷牒來見云師不是此耶玄奘遲疑未答昌曰師須實語必是弟子爲師圖之玄奘乃實告昌深讚嘆曰師實能爾者爲師毀卻文書卽於前裂之仍云師須早去所從二小僧道整先向燉煌唯慧琳在知其不堪遂涉亦放還遂易得馬一匹但苦無人相引忽有一胡人來自云姓石字藥陀願受戒爲弟子玄奘從之胡甚喜辭還少時餐餅果來玄奘見其雄健貌又恭肅遂告行意胡人言願護送過五烽山玄奘大喜乃更質衣資爲買馬而期焉明日彼胡更與一胡老翁乘一瘦老赤馬相逐而至少胡曰此翁極諳西路來去伊吾三十餘返故共俱來胡翁因說西路險惡沙河阻遠鬼魅熱風遇無免者徒侶衆多猶數迷失况師單獨如何可行胡翁自料量勿輕身命玄奘曰吾爲求大法獲趣西方若不至娑羅門國終不東歸縱死中途非所悔也胡翁見其志堅乃曰必去可乘我馬此馬往返伊吾已有十五度健而知道玄奘以爲然遂卽換馬胡翁歡喜禮敬而別於是奘束與少胡夜發三更許到河遙見玉門關去關上流十里許兩岸可關文餘旁有梧桐樹叢胡人乃斬未爲橋布草填沙驅馬而過玄奘得安渡於是大喜因解駕停憩與胡人相去可五十餘步各下榻而眠少時胡人忽拔刀而起徐向玄奘卡到十步許又迴不知何意玄奘坦然無慮天欲明喚令取水盥漱訖欲發胡人曰弟子念前途險遠又無水草唯五烽下有水必須夜到偷水而過但一處被覺卽是死人不如歸還用爲安穩玄奘不從胡人曰弟子不能去家累既大而王法不可忤也玄奘知其意遂任還胡人曰師必不達如彼擒捉則可奈何玄奘答曰縱使切割此身如微塵者終不退回玄奘夜到第四烽見有羅難欲默取水而過至水未下聞飛箭已至卽急趨至烽官署烽官歡喜留宿更施大皮囊及馬

麥相送獨行百餘里失道覓泉不得所攜飲料失手覆之千里之資一朝斯罄沙路盤迴不知所趣乃欲東歸還第四烽行十餘里自念我老殘願若不至天竺終不東歸一步今

何故來甯可就西而死豈歸東而生於是旋轡向西北而進及出流沙到伊吾矣

梁啓超曰玄奘者我國留學生宗匠而思想界一鉅子也遊歷印度凡十七年此既定之事實也其歸國在貞觀十九年正月此又既定之事實也然則其初出遊果在何年乎白

兩傳以及其他有關係之資料皆云貞觀三年八月咸無異辭吾則因懷疑而研究研究之結果考定為貞觀元年吾曷為忽對於三年說而起懷疑耶三年至十九年恰為十七

個年頭本無其可疑也吾因讀慈恩傳見奘在干闥所上表中有貞觀三年出遊今已十七年等語上表年月傳雖失載然循按上下文確知其貞觀十八年春夏之交吾忽覺

此語有矛盾此為吾懷疑之出發點從貞觀十八年上溯所謂十七年者若作十七個年頭解其出遊時可云在貞觀二年若作滿十七年解則應為貞觀元年吾於是姑立元年

二年之兩程假說以從事研究吾乃將慈恩傳中所記行程及各地淹留歲月詳細調查覺奘自初發長安以迄歸達于闐最少亦須滿十年有半之時日乃敷分配吾於是漸棄

其二年之假說而傾向於元年之假說雖然現存數十種資料皆云三年僅持此區區之反證而臆改之非學者態度所宜出也然吾不忍棄吾之假說吾仍努力前進吾已知奘

之出遊為冒禁越境然冒禁何以能無阻吾查續高僧傳本傳見有會貞觀三年時遭霜儉下敕道俗隨豐四出數語吾因此知奘之出境乃機在饑民豫中而其年之饑實因霜

災吾乃亟查貞觀三年是否有霜災取新舊唐書太宗紀閱之確無是事於是三年說已消極的得一有力之反證再查元年則新書云八月河南隴右邊州霜又云十月丁酉以

歲饑減膳舊書云八月關東及河南隴右沿邊諸蕃秋涼又云是歲關中饑至有鬻男女者是元年確有饑荒而歲災又確由霜害於是吾之元年之說積極的得一極有力之正證矣惟舊書於二年復有八月河南河北大霜人饑一語新書則無有不知為舊書誤複耶抑兩年連遭霜災而新書於二年有闕文耶如是則二年之假說仍有存立之餘地吾決意再覓證據以決此疑吾乃研究樊途中所遇之人其名之可考見者凡三一日涼州都督李大亮二曰高昌王麴文泰三曰西突厥可汗葉護吾查大亮傳及高昌傳見二人皆自元年至四年在其位不成問題及查西突厥傳乃忽有意外之護兩書皆言葉護於貞觀初被其叔所弑其叔自立稱突厥可汗然皆未著其被弑在何年惟新書云貞觀四年俟毗可汗來請昏太宗詔曰突厥方亂何以昏為是葉護弑最晚亦當在貞觀三年前再按慈恩傳所紀此行若果以貞觀三年八月在長安者則當以四年五月初乃抵突厥其時之可汗已為俟毗而非葉護矣於是二年說之不能成立又得一強有力之反證吾猶不滿足必欲得葉護被弑確年以為快吾查資治通鑑得之矣貞觀二年也吾固知通鑑必有所本然終以不得之於正史未能躊躇滿志吾發憤取新舊唐書諸蠻夷傳凡與突厥有關係之國偏繙之卒乃在新書薛延陀傳得一條云依貞觀二年突厥葉護可汗見弑於是葉護弑年無問題矣玄奘之行所假藉災則無論為元年為二年為三年皆以八月後首塗蓋無可疑然則非惟三年說不能成立即二年說亦不能成立何則二年八月後首塗必三年五月乃抵突厥即已不及見葉護也吾至是大樂自覺吾之懷疑有效吾之研究不虛吾所立玄奘貞觀元年首塗留學之假說殆成鐵案矣

案大唐西域記玄奘至伊吾伊吾今新疆哈密在敦煌北大磧之外為西北往來要路距高昌甚近高昌國名在今吐魯番縣西二十里雅爾湖濱時高昌王麴文泰隴右榆中縣

人於唐高祖武德初嗣位年號延壽性好佛聞伊吾到有漢僧即日發使敕伊吾王資送  
 來高昌高昌建國於元魏之中葉雖僻在西華亦是漢族故聞漢僧而慕之玄奘行經六  
 日至高昌界白力城時日已暮王與侍人前後列燭自出宮迎入後院坐一重閣寶帳中  
 拜問其厚王云磧路艱阻師能獨來甚為奇也又云寡人與先生遊大國從隋帝歷東西  
 二京及燕代汾晉之間多見名僧心無所慕自承法師名身心歡喜擬師至止受弟子供  
 養伏願察納微心不以西遊為念玄奘固辭高昌王許放行則為度沙彌四人以充給侍  
 製服三十具以西土多寒又造面衣手衣靴襪等各數事資金一百兩銀錢三萬綾及絹  
 等五百匹馬三十匹手力二十五人令充二十年往還之資復遣殿中侍御史歡信送至  
 葉護可汗衛又作二十四封書道屈支等二十四國每一封書附大綾一疋為信又以綾  
 絹五百疋果味兩車獻葉護可汗并書稱法師者是奴弟欲求法於婆羅門國願可汗敕  
 以西諸國給鄔落馬遞送出境鄔落一作烏落今云烏拉即前清之驛馬也貞觀十九年  
 玄奘回國至于闐遺高昌俗人馬玄智隨商呂奉表先聞太宗降詔迎勞令敦煌官司於  
 流沙迎接初玄奘西行過敦煌行八十餘里至第一烽見校尉王祥聞知其意乃曰西路  
 艱難汝終不達今亦不罪送汝回敦煌去玄奘不從校尉嘉其志資以清水麵餅指以徑

向第四烽而去今則學成回國有志者事竟成也而  
 葉護被弑高昌國亡涼州都督李大亮已去職矣

慕壽祺曰中國梵夾書盛於六朝翻譯於鳩摩羅什釋家大乘法始於印度傳述於玄奘  
 法師鳩摩來自印度秦苻堅遣人迎之玄奘往遊印夏李大亮遣人追之其往來皆由甘  
 肅夫玄奘窮歷道邦開茲後學周遊西域十有七年非惟有益宗門而歷史地理亦多所  
 發明如此不世出之人政府應妥為保護乃涼州之逼還瓜州之追譯敦煌五烽之陪箭

徵特不能得政府保護且轉觸其禁令比之鳩摩羅什其行役不尤難乎卒焉學成而歸  
新翻經論天下後世知其入高宗麟德元十二月終於長安西明寺壽六十有三四方

會葬者可百餘萬人彼立志不堅遇  
難退轉所謂諸人者而今安在哉

附錄梁啓超說史料一則吾嘗欲研究中國與印度文化溝通之跡而考論中國留學印  
度之人物據常人所習知者則前有法顯後有玄奘三數輩而已吾細檢諸傳記陸續蒐  
集乃竟得百零五人其名姓失考者尙八十二人合計百八十七人吾初研時據慧皎  
之高僧傳義淨之求法傳得六十七人已大嘉過望其後每續一書遇有此者則類而錄  
之經數月乃得此數吾因將此百八十八餘人者稽其年代籍貫學業成績經行路線  
等爲釋之統計而中印交通遺蹟與隋唐間學術思想變遷之故皆可以大明

冬十一月辛丑突厥寇河西肅州刺史公孫武遂甘州刺史成仁重與戰破之

捕虜千  
餘口

庚寅四年秋七月以涼州都督李大亮爲西北道安撫大使

西突厥種落散在伊吾  
詔以大亮爲安撫大使

貯糧磧口以賑之大亮言欲懷遠者必先安近中國如根本四夷爲枝葉度中國以泰四  
夷猶拔本根以益枝葉也今招致西突厥但有勞費未見有益况河西州縣蕭條不堪供  
億不如罷之其或自立君長求內屬者羈  
縻受之使居塞外爲中國藩蔽上從之

亂定邦武功彪炳時代 唐太宗

蘭州德華印書館出版

慕壽祺曰李大亮之意恐太宗發展西北甲兵不已甘肅受禍最先故諫之老成謀國固當如是然天地之機有日開無日閉曾幾何時倏君集進兵至高昌郭孝恪進兵至焉耆阿史那社爾進兵至龜茲蘇定方進兵至賀魯又進兵至阿支那驃部王方翼進兵至伊麗元慶進兵至大勃律惟王元策由西藏進兵入天竺直抵恆河流域之科普尼爾城而返至此中央亞細亞天山南路之路開矣而西州縣蕭條不堪供億之言惜未見諸實行也

辛卯 五年秋九月鎮軍將軍安興貴敗突厥於甘州時突厥內侵自汾東為諸將所逐至甘州又敗之

冬十一月開黨項之地為十六州時黨項內屬者前後三十萬口

案舊唐書又有黑黨項在赤水之西雪山黨項姓破丑氏居雪山之下杜佑通典曰黨項羌在古析支之地漢西羌之別種黨項始源南越春桑迷桑等羌北連吐谷渾其種每姓別自為部落一姓之中復分為小部落大者萬戶小者數千不相統一有細封氏費聽氏往利氏頗超氏野辭氏房氏來禽氏拓拔氏最為強族矣

壬辰 六年置鐵勒降人於甘州鐵勒契苾何力以衆三千內屬詔分置甘涼諸部

案自魏晉以來各種宗教之活動於社會者何可勝道魏書創為釋者志者以其時釋道二教為信仰中心其他教尚未輸入耳唐以後則回教景教妖

教摩尼教基督教紛至沓來遞為賓主盤據民衆腦中各有歷史各具勢力  
中古以來一切政治制度文化精神在在受其影響奈何舊史概置勿道耶  
案東洋史宣宗以後竊特勒移居甘沙西州號甘州回紇沙州回紇西州回  
紇於是同教蔓延遍於內地中國人亦有信其教者然是爲同教徒而非回  
種人即回紇亦係同教徒而非回種人也武宗信道教嚴禁諸教流回紇於  
諸道死者過半

春三月吐谷渾寇蘭州州兵擊走之

甲午八年夏五月吐谷渾寇蘭廓二州

初吐谷渾可汗伏允遣使入貢未返大掠蘭州而去至是復遣兵寇蘭廓二州

遣段志玄等將兵擊吐谷渾

上聞吐谷渾寇蘭廓等州遣段志玄爲西海道行軍總管樊興爲水道行軍總管將兵擊之將至志玄等不欲戰

墜而不進吐谷渾知之驅牧馬走則將李君  
漢率精騎尾襲於懸水上得牛羊二萬還



冬十月吐蕃遣使入貢

吐蕃自隋以來未嘗通中國近寢強盛其王贊普棄宗弄讚有勇略四鄰畏之遣使入貢仍請昏詔遣使者往慰諭之

案杜氏通典曰吐蕃在吐谷渾西南不知有國之所由或云禿髮利鹿孤有子樊尼其主

傳檀為乞伏熾盤所滅樊尼率餘種依沮渠蒙遜其後子孫西魏時為臨松郡丞與主簿

皆得衆心因魏末中華擾亂招撫羣羌日以強大遂改姓為李敦野至今故其人號其主

曰贊府貴臣曰主簿又或云始祖贊普自言天神所生號臨提悉補野因為姓其國出

鄯城五百里過鳥海入吐谷渾部落彌蘇毗及白蘭等國至吐蕃界其國都號為邏

娑城用法嚴整議事則自下而起因人所利而行之此其所以能強且久也直壯獷老重

兵死惡病終以累代戰沒者為甲門陣陣奔北者懸狐尾於其首表其假狐之怯其贊普

弄贊雄霸西羌隋開皇中其主論贊索弄贊都拜柯西匹播城以五十國西南與婆羅接

其俗謂強雄曰贊丈夫曰普故號君長曰贊普贊普妻曰末蒙其官有大相曰論蓋副相

曰論蓋副相曰論蓋副相曰論蓋副相曰論蓋副相曰論蓋副相曰論蓋副相曰論蓋副相

吐蕃

贊普

樊尼

李敦野

臨提

悉補野

邏娑城

彌蘇毗

白蘭

吐蕃

假狐

末蒙

天故又稱梵土後雖爲英所滅而婆羅門之教猶存觀漢書張騫傳知中國與印度漢時已通商業騫謂宜從蜀徑蓋武帝未開西域以前由新疆赴印度由西甯往拉撒其路尙未通入西藏者必取道四川踰雪山而至五天竺也漢以後青海一隅直通西藏吐蕃由西藏漸入內地插帳青海謀吞吐谷渾則其由印度而來可無疑矣杜氏又謂係秃髮氏後裔語恐不確蓋秃髮本鮮卑種吐蕃則唐古忒族也

### 十一月辛未吐谷渾寇涼州

執行人鴻臚丞趙德楷

### 東女國遣使朝貢

東女國西羌之別種武德中女王湯滂氏始遣使貢方物高祖厚資而遣之還至隴右會突厥入寇被掠於虜庭及頡利平其使復來入朝帝

勅令反國並降璽書慰撫之

案黃帝時卽有姓氏及禹平洪水足跡徧天下知先聖之裔流播遐荒多墜命亡氏因以其祖宗之姓錫之或以功德可紀別錫之姓禹貢曰錫土姓土以立其國姓以立其宗國立而後人民有所從宗立而後族屬有所繫矣山海經禹時邦國凡一百一十七其得姓者二十有二大觥西經先龍生氏羌氏羌乞姓東女國女王湯滂氏有土地有姓氏大抵

二帝三王時之所封也中國史書以其遠在西羌而不能考其來源之所由始得非疎略乎

慕壽祺曰歐州男女平權故英國有女主中國當七雄並爭之世趙孝成王初立太后用事其女主之先聲乎東女之有女王與今青海所轄果洛之女酋同然果洛強悍難馭民

國十年春女酋抗防軍猖獗河陰間玉樹道梗至煩大兵深入東女則傾誠內向時則武氏猶未稱金輪皇帝也而羌戎已遣使以來朝懿歎盛哉

吐谷渾復寇源州

源州在青海之南吐谷渾舊地也現為中國版圖伏允擾其境

案晉永嘉以後吐谷渾與焉吞併諸羌有青海之地至其孫業延遂為強國後魏末其主夸呂自號可汗建官多效中國隋開皇中夸呂侵弘州遣上柱國元諧擊之賊悉發國中兵自曼頭至於樹敦甲騎不絕諧頻擊破之夸呂率其親兵遠遁其名王十三人各率部落而降夸呂在外且百年死後還以慕容為姓其子伏允立煬帝初伏允遣子順來朝帝令鐵勒襲大敗之伏允東走保西平帝復令觀王雄以掩之大破其衆伏允遁逃部落來降十萬餘口伏允懼南遁於山谷聞其故地皆空自西平臨羌城以西且末以東祁連以南南雪山以北東西四千里南北二千里皆為隋有乃置西海且末河源等郡其地在今青海省之西限按酒泉之北發天下輕罪徒居之

十二月辛丑命特進李靖為大總管節制諸軍以討吐谷渾

吐谷渾可汗伏允老耄其臣天柱王用事

數入塞侵盜詔暴其罪大舉討之上欲以李靖為將為其老重勞之靖聞之請行上大悅以靖為西海道行軍總管膠東郡公道彥為赤水道行軍總管涼州都督李大亮為且末道行軍總管利州刺史高甌生為鹽澤道行軍總管以討吐谷渾

改西甯州為粟州

以此州倉儲設實也

改州縣名稱不  
嘗此獨鄭重齊  
之者重民食也  
靖遠地濱大河  
之稱蓋有由矣

案今靖遠縣東北西魏宇文泰置會州於此屬高平郡周廢隋開皇十六年復置縣大業七年分置西突厥部落於此後為李軌所滅唐武德二年平李軌置西甯州貞觀八年改為粟州又為會州廣德後陷吐蕃宋雍熙二年李繼遷破之焚城郭而去崇甯三年置敷川縣金置保川縣明年州陷遷治新會州城明正統二年復修廢城置衛即今縣治

乙未 九年春正月黨項羌叛遣總管高叡生擊之及羌人戰敗之

三月庚辰洮州羌叛殺刺史孔長秀附於吐谷渾

夏五月乙未李靖等討吐谷渾大破之  
任城王道宗擊破吐谷渾其可汗伏允悉燒野草輕兵走入積諸將以為馬無草未可深

入侯君集說李靖中分其軍為兩道靖遂與薛萬均李大亮由北道君集與道宗由南道靖等敗吐谷渾於牛心堆此閏四月事也至是副總管薛萬均薛萬徹又敗諸赤水源獲其名王二十八君集道宗引兵行無人之境二千餘里追及伏允於烏海與戰大破之靖督諸軍經積石河源乘其西境襲破伏允牙帳斬首數千級獲雜畜三十餘萬伏允子順

斬天柱王來降伏允脫身走為左右所殺國人立順為可汗詔以為西平郡王西平郡即西甯府也

吐谷渾國人弑其主順  
吐谷渾可汗伏允死其子順嗣位既而順又為國人所弑上使侯君集將兵立其子諾曷鉢為可汗主其國詔以為河源郡主

丙申 十年春正月突厥阿史那社爾來降處於靈州之北  
先是貞觀四年二月間李靖破突厥於陰山頡利可汗敗

走往依沙鉢羅設蘇尼失部落任城王道宗引兵逼之使蘇尼失執頡利是年四月行軍副總管張寶相取之以獻蘇尼失舉衆來降漠南遂空頡利既擒其部落或北附薛延陀或西奔西域其降唐者千萬口東自幽州西至靈州分突厥故地爲四州又分頡利故地爲六川置定襄雲中二都督府以統其衆至是突厥阿史那社爾來降以爲左驍衛大將軍處其部落於靈州之北

慕壽祺曰太宗留社爾於京師尙主典屯兵兵未幾使進兵龜茲可謂善用降虜矣嘗考外國籍貫之人例如匈奴人之金日磾突厥人之阿史那忠于闐人之尉遲敬德印度人之阿那羅頡等與夫何力術紕哥舒翰封常清高仙芝渾瑊或徙居於甘涼或立功於甘肅正非一人矣而羣族混合之情形益可見也

案北史突厥傳其先居西海之右後爲鄰國所破盡滅其族有一兒棄草澤中有牝狼以肉餌之及長與狼合遂有孕焉其後阿史那最賢遂爲君長故牙門建狼頭纛示不忘本也

戊戌 十二年秋七月吐蕃擊吐谷渾進破黨項諸羌

初吐蕃遣使者來朝帝遣行人馮德遐下書詔撫弄贊聞突厥吐谷

渾並得尙公主乃遣使齎幣求昏帝不許使者還妄語曰天子過我厚幾得公主會吐谷渾王入朝遂不許殆有以問我乎弄贊怒率羊同共擊吐谷渾吐谷渾不能亢走青海之陰盡取其貨畜又攻黨項白蘭羌破之勒兵二十萬入冠松嶺命使者黃金甲且言迎公主謂左右曰公主不全我且深入都督韓威輕出覘賊反爲所敗屬羌大擾皆叛以應賊

此為中康兩帝  
舊傳之始

檢數百年元太  
題之妃曰哈敦  
考唐古物人是  
西歐女子又與  
遊古結婚

時則八月壬寅日也至是乃詔吏部尚書侯君集為行軍大總管出當彌道右領軍大將  
軍執失思力出白蘭道占武衛大將軍牛進達出關水道右領軍將軍劉蘭出洮河道並  
為行軍總管率步騎五萬進討進達自松州夜襲其營斬首千級弄贊懼引  
兵退遣使謝罪因復請婚上許之從此吐蕃強盛而吐谷渾衰弱不復振矣  
案白蘭羌種名也即青海之柴達木左屬黨項右接多彌東北接吐谷渾西至吐利摸徒  
南界鄯鄂風俗物產與宕昌同勝兵萬人勇於戰鬪唐高祖武德六年使者入朝以其地  
為維恭二州吐蕃謂之丁  
令或曰亦吐谷渾之別種

庚子十四年春二月以弘化公主歸吐谷渾

民國四年武威縣南山下鄉民掘  
開弘化公主墓內有墓誌載附錄

慕壽謀曰漢高祖自平城圍解後結昏匈奴後世遂以為常然是時中國甫定瘡痍未瘳  
冒頓方強邊陲屢驚漢祖因聽婁敬之言以為一時權宜之計唐太宗聰明冠古吐谷渾  
又與吐蕃為鄰其亡可立而待太宗嘗曰我在天下四夷有不安妥之有不樂樂之如蟻  
尾受蒼蠅可使日千里也慕容諾曷鉢方斂衽聽命之不假胡為反變其跡而不知恥哉  
自是而後遂為唐家故事不可  
復止是皆失於貽謀之不善也

夏五月遣侯君集滅高昌以其地為西州

高昌王麴文泰數年來朝貢賦略復與突  
厥連結請國朝貢者路出高昌文泰稍瘞

絕之帝拜侯君集為交河道大總管發兵討之文泰聞王師出謂其國人曰唐去我七千  
里而沙磧居二千里地無水草寒風如刀熱風如燒安能致大軍乎及聞唐兵臨磧石憂

高昌建氏自嘉  
望智盛凡五世  
滅百三十四年而

懼發疾卒子智盛立刻日將葬諸將請襲之侯君集曰天子以高昌無禮故使吾討之今襲人於墟墓之間非問罪之師也於是鼓行而進詰朝攻之及午而克智盛出降君集分兵略地下其二十二城戶八千四十六上欲以高昌為州縣魏徵諫曰文泰有罪故王誅加之今罪人已死其子又服宜撫其百姓存其社稷復立其子則威德被於遐荒四夷皆悅服矣若以為州縣當復遣兵鎮守勞費不貲死亡相繼而陛下終不得高昌撮粟尺帛以佐中國所謂散有用以事無用也上不從以其地為西州置安西都護府於是唐地東極於海西至焉耆南盡林邑北抵大漠皆為州縣凡東西九千五百一十里南北一萬九百一十八里

案高昌

高昌故地在新疆吐番縣城西二十里雅爾湖濱

有國肇於元魏之中葉而亡於李唐之初紀

其人民為炎漢遺裔其君長為西陲豪族雖開拓之始三十年間已更三姓而逮麴氏有國內興文教外事列強故當中原鼎沸海宇分崩而西土之人轉得小康麴氏仍世繼承撫土有民者百四十有餘年故梁魏周隋南北史並為之傳而紀述疏略先後牴牾諸史如出一轍豈是而國滅矣安史之亂復自為國曰高敞者語訛耳但其地頗有回鶻故亦謂之回鶻國

慕壽祺曰唐初聲威極盛進兵西域兵之所至如鶻人烏羣所向披靡豈滅

高昌一國而已哉他如李靖進兵至吐谷渾百藥遺跡在新疆者不僅木城一帶已也郭孝恪進兵

至焉耆阿史那社爾進兵至龜茲蘇定方進兵至賀魯又進兵至阿支那部

屬王方翼進兵至伊麗元慶進兵至大勃律惟王元策由西藏進兵入天竺

直抵恆河流域之科普尼爾城而返至此中央亞細亞天山南路之路開矣

惟高昌非有猾夏之罪唐利其土地奪而有之故綱目前書擊此書滅則高

昌無罪可討義可見矣

附錄侯君集高昌紀功碑在今吐番縣南山口其文曰昔匈奴不滅竇將軍

勒燕山之功闕越未靖馬伏波樹銅柱之績商風殞籟異域成功緬古名臣

留茲雄鎮大唐德合二儀道高五帝握金鏡以朝萬國調玉燭以馭兆民濟

碑首原刻交河  
道行軍大總管  
右驍衛將軍上  
右軍十五萬交

歐陽定邦武功彪炳時代 唐太宗

蘭州俊華印書館出版



河道行軍總管  
左武衛將軍上  
柱國豐城縣開  
國公牛進達領  
兵十五萬益以  
沙州刺史劉德  
敏右監門中郎  
衛中郎將左屯  
衛中郎將屈防  
左武衛中郎將  
李海峽等所統  
之兵約在四十  
萬總統者侯君  
第耳薛萬鈞姜  
行本副之

濟衣冠煌煌禮樂車書順軌扶顛之表俱同治化所沾濛汜之鄉咸暨苑天  
 山而池瀚海開北戶以靜幽都莫不解辮髮於藥街改左衽於夷邸高昌國  
 者漢屯田之舊壁遺兵之所居麴文泰即其酋豪也因中原多難異域云遙  
 羣雄競馳夜郎自六幸逢盛世星掃天狼雖沐仁風胸懷首鼠杜遠方之職  
 貢阻重譯於遐荒肆豺狼之心起蜂蠆之毒發徒聚衆侵略無已聖上愍彼  
 蒼生申茲弔伐乃詔使持節光祿大夫吏部尙書上柱國陳國公侯君集爲  
 交河道行軍大總管副總管左屯衛大將軍上柱國永安郡開國公薛萬均  
 敦煌縣人副總管左屯衛將軍上柱國道川縣開國男姜行本等爰整三軍張行  
 天罰但妖氛未殄將軍逞七縱之威百雉作固英奇申九攻之略深謀閭出  
 妙思從橫命將軍營造攻具乃統沙州今敦煌縣一帶之地刺史上柱國望都縣開國

侯劉德敏右監門中郎將上柱國淮安縣開國公衛智錫左屯衛中郎將上

柱國富陽縣開國伯屈昉左武侯中郎將李海岸前開州刺史時得衛右監

門府長王進威等並率驍雄鼓行而進以貞觀十四年五月十日師次伊吾

傍羅漫山即雪山一名北天山在哈密縣北一百二十里未盈旬日克成大功伐木則山林殫盡叱咤

則川谷蕩薄衝梯一蹙百梯冰消機櫓一發千石雲飛墨翟之術無使公輸

之妙詎比大總管運籌惟幄繼以中軍鐵騎直原野金鼓動天地高旂蔽日

月長劍倚空同自秦漢出師以來未有如斯之盛也旌定遠之通西域故迹

罕存鄭都護之滅車師空聞前史雄圖世著彼獨何人乃勒石紀功傳諸不

朽其詞曰於赫大唐受天明命化齊得一功無與並荒服猶阻夷居不定乃

拜將軍珍茲臬鏡以下剝落

碑後有瓜州司  
法海軍河州司  
馬字德保刊字  
者其姓名已剝  
落矣

亂定郭武功彪炳時代 唐太宗

蘭州校章印書館出版

大唐貞觀十四年歲次庚子閏六月丁卯朔二十五日辛卯立

秋七月吐谷渾可汗諾曷鉢走鄯城

時吐谷渾丞相官王跋扈謀作亂欲襲公主劫諾曷鉢奪吐蕃諾曷鉢知之引輕騎奔鄯城

辛丑十五年春正月以義成公主降吐蕃

松州之役吐蕃固請昏許之遣大論薛麻東贊獻黃金五千兩他寶解是以爲聘至是以

宗室女封文成公主降於吐蕃贊普命禮部尚書江夏王道宗送之築館河源王之國弄贊率兵次柏海親迎見道宗執禮甚恭見中國服飾之美縮縮媿沮歸國自以其先未有昏帝女者乃爲公主築一城以夸後世遂立宮室以居

案唐公主所嫁之贊普番人講爲蘇隆威于市其禮爲納禮布乃欲勒贊普固禮之後馬克扎巴之子傳數世至蘇隆威于布其勢始大併西番地內附於唐又納白布國王之女

爲妾唐公主好善修大小二詔築城於布達拉爲宮室

慕壽祺曰吐蕃波麥左無冠帶之節遠水亭遷徙無城郭室廬故能雄視沙漠抗衡中夏及與唐室結昏自退彭羅襲納續又桑城以居公主禁國人以賴塗面已漸染華風矣又遣諸婁子弟入國學習詩書延請儒者典書疏漸革其殘暴之性是進化之機也無如在廷請臣視彼民爲我狄于休烈請不賜吐蕃書籍不能迎騰而導使故步自封惜哉附錄于休烈請不賜吐蕃書籍疏曰臣聞吐蕃之性慳悍果決敏情恃銳喜學不同若達於書必能知戰深於詩則知武夫有節于之試深於禮則知月令有廢與之兵深於博則

知用師有詭詐之計深於文則知往來有營檄之制何異借寇兵而濟盜糧也臣聞魯乘周禮齊不加兵吳獲乘軍楚屢奔命且公主遠適異國返求良書愚臣料之恐非本意慮有奔北之類教於中若陛下慮失蕃情以備國信必不得已請去春稅當國道既衰諸侯強盛禮樂自出戰伐交與情偽於是乎生變詐於是乎起則有以臣召君之事取威定霸之名若與此書國之患也傳曰于奚請曲縣繁纓仲尼云惜也不如多與之邑惟名與器不可假人彼固貪婪貴貨易土正可錫之綿綺厚以玉帛何必率從其求以資其智

冬十一月癸酉薛延陀寇邊

是為同部強盛之始

遣兵部尚書李世勣等伐之

薛延陀回族部落也貞觀

三年遣其弟統勒特入朝上以金刀寶鞭賜之至是邊以李世勣為朔州道行軍總管右衛大將軍李大亮為靈州道行軍總管涼州都督李義魯為涼州道行軍總管以伐之  
張薛延陀者先與薛種雜居後滅延陀部有之據薛延陀姓一利陀氏在鐵勒諸部最雄張風俗大抵與突厥同西突厥處羅可汗之殺鐵勒諸酋也其下往往相率叛去推契苾哥櫻為易勿真莫賀可汗據貪汗山奉薛延陀乙失鉢為野可汗保燕末山而突厥射價可汗復疆二部黜可汗號往臣之回紇拔野占阿跌同羅僕骨白蠻在鬱督軍山者東附始畢可汗乙失鉢在金山者西沒葉護可汗貞觀二年葉護死其國亂乙失鉢孫曰夷男率部帳七萬附頡利可汗後突厥衰夷男反攻頡利弱之於是諸姓多叛頡利歸之者共推為主其降者處之甘涼十五年帝以李思摩為可汗始渡河牙於漠南夷男惡之未發方帝幸洛陽將遂封泰山夷男與其下謀曰天子封泰山萬國皆助兵悉會行在邊障空單思摩可取也乃使大度設勒兵二十萬南絕漠壁白道川率一兵得四馬擊思摩思摩走朔州言狀且請師於是詔營州都督張儉統所部與奚契丹乘其東朔州道行軍

總管李勣衆六萬騎三千營朔州靈州道行軍總管李亮衆四萬騎五千屯靈武慶州道行軍總管張士貴出雲中涼州道行軍總管李襲譽經略之

王寅十六年鐵勒夷男薛延陀請昏以新興公主妻之薛延陀名夷男同族鐵勒部也去歲竊邊爲李勣所敗乃遣使謝

罪又遣其仲父沙鉢羅獻馬三千因請昏帝曰延陀本一俟斤我自立之度其力與頡利比而敢撓邊乎不許昏明年以使來益獻馬牛羊橐它固求昏帝與大臣計曰延陀屈疆

朕策顧有二選士十萬擊之使無遺種百年計也絕昏羈縻使無邊憂三十年計也然則孰利房玄齡曰今大亂餘氓疲破未完戰雖勝猶危道也不如和親帝曰善許以新興公

主下嫁詔夷男親迎帝將幸靈州以成昏事夷男大喜詔曰我鐵勒部人耳上以我爲可汗公主以女我乘輿爲我幸邊誰與我榮乃搜賦諸下羊馬爲貨或說夷男曰可汗與唐

皆一國主奈何往朝有如見執尙可悔夷男曰不然吾聞唐天子有德四方共臣之藉獨留我積北亦須有主然舍我而求它非計也下乃不敢言

案回紇其先匈奴也俗多乘高輪車元魏時亦號高車部或曰敕勒訛爲鐵勒其部落曰袁紇薛延陀契苾羽都播骨利幹多覽葛僕骨拔野古同羅渾思結斛薛奚結阿跌白雲

凡十有五種皆散處積北袁紇者亦曰烏護曰烏訖至隋曰韋紇其人驍強初無酋長逐水草轉徙善騎射喜盜鈔臣於突厥突厥資其財力雄北荒大業中虛羸可汗攻普鐵勒

部袁貢其財既又恐其怨則集渠蒙數百悉抗之韋紇乃并僕骨同羅拔野古叛去自爲侯斤部同紇同紇姓藥羅葛氏居薛延陀北娑陵水上至唐初始強盛史稱鐵勒者就其

部而言之也稱夷男者就其名而言之也稱薛延陀者就其地而言之其實一而已矣

夏五月靈州兵擊破吐蕃於烏蘭地

烏蘭縣名唐置即今靖遠縣舊有烏蘭吐蕃由青海寇靈州必由烏蘭經過故州兵擊破之

案唐書憲宗八年九月吐蕃作烏蘭橋拓地志靖虜衛城北二十里有烏蘭山明為靖虜衛後改靖遠縣屬蘭州府又考靖遠縣志烏蘭山在縣西一百二十里

癸卯十七年薛延陀來納幣詔絕其婚

初王師之討薛延陀也將軍契苾何力為延陀所執上許以新興公主妻之詔有司受所獻延陀無

府庫調斂於下不亟集又度磧水草乏馬羊多死納貢後期帝亦止行畜口耗死僅半議者謂夷狄嘗為中國私今禮不具而與昏恐後有輕中國心乃下詔絕昏謝其使或曰既許之信不可失帝曰公等計非也昔漢匈奴強中國不抗故飾子女嫁單于今北狄弱我能制之而延陀方謹事我者顧新立倚我以服衆彼同羅僕骨力足制延陀而不發懼我也我又妻之固中國增名重而援堅諸部將歸之戎狄野心能自立則叛矣今絕昏使諸姓聞之將爭擊延陀亡可待也又聽契苾何力之言敕令真主來親迎終以聘禮不備絕之停幸

冬十一月壬午以涼州獲瑞石赦涼州

慕壽祺曰唐至貞觀盛極矣而武后已在宮中涼州又為吐谷渾所據尙何瑞之可言耶夫宜吉而兇者兇亦吉也宜災而祥者祥亦災也涼州所獲瑞石如果非由人造當與商季之大雀暴秦之大禘後趙之蒼麟曹魏時甘州之瑞石所以紀災異以儆戒人君者也以太宗之明而侈談祥瑞又赦涼州甯非盛德之累耶

己十九年冬十二月薛延陀寇夏州左領軍大將軍執失思力敗之上之征高麗也使右領軍

大將軍執失思力將突厥屯夏州之北以備薛延陀多彌可汗既立以上出征未還引兵寇河南上遣左武侯中郎將長安田仁會與思力合兵擊之思力羸形為退誘之深入及

夏州之境整陳以待之薛延陀大敗追奔六百餘里耀威磧北而還多彌復發兵寇夏州上又敕禮尙部書江夏王道宗發朔并汾箕嵐代忻蔚雲九州兵鎮朔州右衛大將軍代

州都督薛萬徹左驍衛大將軍阿史那社爾發勝夏銀綬丹延鄜坊石隰十州兵鎮勝州勝州督都宋君明左武侯將軍薛孤吳發靈原甯鹽慶五州兵鎮靈州又令執失思力發

靈勝二州突厥兵與道宗等相應薛延陀至塞下知者備不致進

丙午二十年春正月辛未夏州都督喬師望及薛延陀戰敗之

秋八月丙戌帝次瓦亭觀牧焉唐初移馬牧於涇渭二州之北其地在六盤山附近今化平華亭等縣皆牧場也時薛延陀已敗上如靈州受

降是月庚寅至涇州由涇州而平涼而瓦亭已踰隴山關矣乃觀牧焉

案唐人養馬亦於涇渭近及同華置八坊其地止千二百三十頃樹苜蓿麥用牧奚三千官寮無幾衣食皮毛是資不取諸官善合牧而散畜之牧專其事不雜以耕而太僕張

萬歲王毛仲官職雖尊身本帝園生長北方慣歷牧事躬馳撫閱無點集追呼之擾科索之煩順天因地馬畜滋殖玄宗既以榛誅毛仲後遂以付安祿山祿山統北方三道又使

兼掌京西牧馬地既隔越而職守難專重以何胡叛逆覆用蹂躪唐室其餘存者猶足以資肅宗之中興憲宗命張茂宗監牧茂宗不能遠略乃籍汧隴民田人爭言其不便牧事

遂廢唐亦喪亂

慕壽祺曰馬政由來久矣周穆王征西戎而入駿是御尹吉甫伐玁狁而騶馬既閑秦烏羸谷量牛馬即烏氏騶人皆在今平涼之域唐與太宗留心邊事觀牧焉於瓦亭自後益加整頓而張萬歲王毛仲為最著萬歲至七十萬六千毛仲至六十萬五千六百有奇色別為羣號稱雲錦地狹不容增置河酉史贊其盛圖傳至今夫豈有他術設法簡而專成而不二故也今則官多而馬少牧者瀕職觀者無人馬廠遂虛設於河西矣

帝如靈州遣李世勣擊薛延陀降之

薛延陀多彌可汗夷男子也名拔灼性卡克多殺父時貴臣而任所親昵國人不安而阿波設

與唐使者遇於鞞鞞東鄙小戰不利還而國人曰唐兵至矣衆大擾諸部遂潰多彌可汗以十餘騎遁去依阿史那時健俄為回紇所殺盡屬其宗衆五六萬奔西城立真珠毗伽可汗昆弟子咄摩支號伊特勿失可汗遣使者上言願保督軍山帝謂兵部尙書崔敦禮與李勣尉安之俾定其國鐵勒諸部素伏延陀而咄摩支雖衰子尙臣畏之帝恐卒為患詔勣等曰降則撫之叛則擊之勣至咄摩支大駭陰欲拒戰外好言乞降勣知之縱兵擊斬五千餘級係老孺三萬遂滅其國咄摩支聞天子使者蕭嗣業在同紇身詣嗣業丐降入朝拜右武衛將軍賜田宅初延陀將滅有丐食於其部者延客帳中妻視客人而狼首主不覺客已食妻語部人共追之至鬱督軍山見二人焉曰我神也薛延陀且滅追者



懼却走遂失之至是果敗此山下帝以延陀滅欲并契苾等降之復遣道宗率阿史那社爾等分部窮討帝幸靈州節度諸將於是鐵勒十一部皆歸命天子請吏內屬道宗等徑磧擊延陀餘衆阿波達于斬首千餘級逐北二百里萬徵抵北道歸降回紇諸酋虜所遣使踵及帝行在凡數千人上言天至尊爲可汗世世以奴事死不恨帝剖其地爲州縣北荒遂平

案契苾亦曰契苾羽在焉者西北屬娑川多覽葛之南其酋哥楞自號易勿真莫賀可汗弟莫賀咄特勒皆有勇莫賀咄死于何力尙紐舉其部來歸時貞觀六年也詔慮之甘涼間以其地爲榆溪州永徽四年以其部爲賀蘭都督府隸燕然都護何力有戰功忠節臣也太和甲其種帳附於振武云

### 回紇酋帥吐迷度來降

吐迷度與諸部大敗薛延陀多彌可汗遂并其部曲屯有其地南過賀蘭山臨黃河至是遣使臣來貢獻上季靈武受其降款

因勞曰爾來若鼠得穴魚得泉我爲爾深廣之諸姓來朝者因請回鶻以南置郵遞通管北方爲之置六府七州

案唐書正觀間以回紇部爲瀚海多覽葛部爲燕然僕骨部爲金微拔野古部爲幽陵同

羅部爲龜林思結部爲咸山皆號都督府以渾爲皋蘭州斛薛爲高闕州阿跋爲雞田州

契苾羽爲榆溪州奚結爲雞鹿州思結爲歸林州白雪爲寶顏州其西北結骨部爲龜昆

府北骨利幹爲玄闕州東北俱羅勃爲燭龍州皆以酋領爲都督刺史長史司馬節度單

于臺置燕然都護府統之六都督七州皆隸屬以李素立爲燕然都護

案燕然州以多濫葛部置鷄鹿州以奚結部置鷄田州以阿跌部置皆倚治回樂縣東皋蘭州以渾部及薛延陀餘衆置喬治鳴沙縣燭龍州以掘羅勿部置與燕山州皆倚治溫池縣以上皆隸靈州都督府

又案回樂山名唐初置縣武德四年析置豐安縣貞觀四年於回樂境置同州以豐安隸同州鳴沙武德二年置會州貞觀六年州廢更置環州九年州廢還隸靈州溫池神龍元年置隸靈州大中年改置成州路寶王奇宿溫池城詩其地產鹽疑卽靈州之惠安堡

戊申貞觀二十二年夏五月遣右衛率長史王元策使西域爲中天竺所鈔吐蕃

發兵救之執其王以歸

玄策使西域由青海至中天竺爲中天竺所鈔蓋是時中天竺最強四天王皆臣之王玄策奉使至其國言其王率其臣

阿羅那順耳立發胡兵攻玄策玄策脫身香遁抵吐蕃西境嘗鄰國兵吐蕃泥婆國皆遣兵赴之玄策帥之進至中天竺連戰三日大破之城邑聚落降者五百八十餘所俘阿羅那順以歸吐蕃弄

贊遣使來獻俘

案中天主卽中印度佛教書中謂之中國其時地學未明謂此據世界之中八方之所會祥氣之所鍾也是釋迦如來本生地文教獨盛而佛祖應化之跡於此最多唐貞觀之世中天竺強國若如羯若鞠闍玄奘在此淹留亦最久凡所經歷蓋三十餘國云

慕壽祺曰中國與印度漢時已有商業張騫在大夏時見印竹杖蜀布蓋大夏買人市之身壽國其時中國貨物由四川入藏踰雪山而至印度也法顯佛國傳顯在罽子曷忽於玉像前見商人以晉地一白罽扇供養是晉時商人已往來於印度矣大抵取道四川王玄策獨由青海入藏以至中天竺其事由政府所主持則太宗將有絕大之發展也卒執其王以歸謂非用兵之明效大險哉

己酉二十三年夏五月以李世勣爲疊州都督

上謂太子曰李世勣才智有餘然汝與之無恩我今黜之若其奉詔俟我死汝

用爲僕射親任之若徘徊觀望當殺之乃左遷世勣爲齊州都督世勣不至家而去

慕壽祺曰疊州在今岷州境內地有秦藏江番族所居爲說州楊七司所轄唐初疊州爲重鎮又爲吐蕃所垂涎是危地也太宗不豫以世勣督疊州殺機於是乎起矣世儂奉詔卽行以機心待君上迨後廢立之際不肯盡忠雖世勣無大臣之節亦太宗以利啓其心也

案疊州在今洮州境周武帝置以山重疊名之唐書地理志疊州合川郡武德二年析洮州之合川樂川疊川置土貢縹香戶千二百七十五口七千六百七十四縣二合川常芬餘見第五卷陳至德四年冬十月第九卷徽宗崇甯二年秋八月注

以李君羨爲蘭州都督

史不載君羨爲都督年月而君羨歷官皆在貞觀時故輯於此

案史太宗諱世民唐高祖次子以削平羣盜功封秦王玄武門之變高祖禪位改元貞觀  
在位二十三年政治之善與漢文景比隆以貞觀二十三年夏四月崩於含風殿年五十  
三太子即位  
是為高宗

高宗庚戌永徽元年擢吐蕃弄贊為駙馬都尉青海郡王  
弄贊以書詒長孫无忌曰天子初即位下有不忠者願勸

兵赴國共討之并獻金琲十五種以薦昭陵進封寶  
王賜餉滌渥又請蠶種酒人與碾磑等諸工詔許之

慕壽祺曰西甯人歌謠有日駱駝見柳西番見酒言番之好飲也觀弄贊之請酒人知昏  
昏在醉夢間矣夫吐蕃插帳青海其國林木叢茂饌產飲盈使當日者請林學鑛學諸大  
家研究日深其成績必大可觀也此之前又請碾磑等  
諸工其意將以改良農事也惜青海地寒但宜種青稞耳

癸丑四年春正月甯州刺史駙馬都督薛萬徹謀反二月伏誅

癸亥三年夏五月詔鄭仁泰分屯涼州  
今青海以備吐蕃  
先是龍朔元年朔夏六月以  
西域為州府凡府八州七十

六時鐵勒部不服命仁泰為鐵勒道行軍大總管敗鐵勒於天  
山回部業經征服而吐蕃近在肘腋詔仁泰分屯涼鄯以備之

六月吐蕃攻吐谷渾涼州都督鄭仁泰為青海道行軍大總管以救之  
初吐谷  
渾其相

唐之鄯州係故  
西河漢伯縣今  
改歸都知謂  
鄯善海省城誤

宣王作亂結葛鉢輕騎走吐蕃求救於鄯善國王暨都尉席君買合軍討滅之斬其兄弟三人結葛鉢遣使言狀太宗命尚書唐儉持節撫慰之太宗崩刻石圖諾葛鉢之形於昭陵之下上即位以主故拜駙馬都尉既而吐蕃吐谷渾互相攻擊各上表論曲直更來求援上皆不許吐谷渾之臣素和貴有罪逃奔吐蕃具言谷吐渾虛實吐蕃發兵擊吐谷渾大破之吐谷渾可汗諾曷鉢請徙居內地上以涼州都督鄭仁泰為青海道行軍大總管帥右衛將軍獨孤卿雲辛文陵等分屯涼鄯二州以備吐蕃又以左武侯大將軍蘇定方為安集大使為諸將節度以定其亂吐蕃使論仲琮入朝表吐谷渾罪帝遣使者譙讓乃使來請與吐谷渾平憾求赤水地牧馬不許

案唐志涼州姑臧縣有赤水軍本赤烏鎮有赤烏泉因名幅員五千一百八十里軍之最

大者前距吐蕃北臨突厥開元中改為大斗故移赤水入州城又元和志云赤水在涼州

己總章二年秋七月遣左衛大將軍涼國公契苾何力為烏海道行軍大總管

以援吐谷渾 吐谷渾與吐蕃本甥舅素和貴叛其上吐蕃任之奪其土地上遣契苾何力救之卒無功蓋吐蕃居寒露之野物產復薄烏海之陰盛夏積雪器

既冬寒隨水草以牧寒則城廬施簾帳器用不當中國萬分一但上下一力讒事自下因人所利而行是能久而彌也

慕壽祺曰中國專制政體議乃恆自上而起上焉者雖極酷毒蚩蚩者氓敢怒而不敢言此上下之所以不一心也吐蕃能強且久者蓋嘗於政令所從出之處因利而行之用是

夫舉國伏從易收制一之效至公均被必無隔閡之形意者其有共相之真精粹乎

八月詔幸涼州不果行

詔以十月幸涼州時儲右虛耗議者多以爲不宜遊幸上聞之詔五品以上謂曰自古帝王莫不巡狩故朕欲巡視遠俗若其

不可何小固陳而選有後言我幸相以下皆不敢言詳刑大夫來公敏曰巡狩雖帝王常事然今高麗餘寇尙多西邊兵亦未息隴右戶口彫弊變輿所至供億百端外間實有竊議但明制已行故羣臣不敢陳論耳上善其言爲之罷行

庚午咸亨元年夏四月辛亥以右威衛大將軍薛仁貴爲邏婆道行軍大總管伐

吐蕃 吐蕃寇邊陷白州等十八州上以仁貴爲大總管又以右衛員外阿史那道真左衛將軍郭待封爲副領兵五萬以擊吐蕃七月戊子仁貴待封至大非川爲吐蕃

大將論欽陵所襲大敗仁貴等並坐除名吐谷渾全國盡歿

雲南地理志大非川在鄯州西二百餘里地理考證云卽今西甯邊外雅馬圖河西甯府志云大非川在王孝傑米榭西臨吐谷渾界又云大非山近青海吐谷渾管隴山入寇又有

大非嶺在西甯縣西南薛仁貴征吐谷渾置重柵於此

六月吐蕃寇涼州

薛仁貴等往定慕容氏敗績遂滅吐谷渾而盡有其地詔司戎太常伯同東西臺三品姜恪爲涼州道行軍大總管出討會恪卒班師吐蕃又

吐蕃從此亡  
吐蕃占據  
吐蕃中  
吐蕃一  
吐蕃一  
吐蕃一  
吐蕃一

寇我涼州後遣其大臣仲琮入朝上曰吐蕃奪吐谷渾土地而寇我涼州何邪仲琮不對

壬三年春二月徙吐谷渾於靈州初王師敗於大非川舉吐谷渾地皆為吐蕃所有諾曷鉢與弘化公主及親近數千帳纔免乃徙治靈水

南諸曷鉢以吐蕃盛勢不抗而鄯州地狹不能容請內屬總章中議徙吐谷渾部於涼州

未可以師何力曰吐蕃介在西極臣恐師到獸竄山伏捕討無所得至春復侵吐谷渾臣請勿救使疑吾力困而驕之一舉可滅也恪曰不然吐谷渾方衰吐蕃負勝以衰氣拒勝

兵戰必不克不救則滅臣謂王師亟助之使國幸存後且徐圖可也讖不決亦不克徙至是又徙靈州帝為置安樂州即拜刺史欲其安日樂云

案隋書地理志靈武係領鳴沙縣貞觀九年州廢縣屬靈州神龍二年為默啜所破遂移縣於廢豐安城即今縣治咸亨三年歸復因其地置安樂州移吐谷渾部落於此至德後

復陷吐蕃大中三年靈武節度朱叔明收復改威州仍領鳴沙縣元立鳴沙州屬雷夏路明初廢又新唐志靈州有武略河間保靜鳴沙萬春五府豐甯保甯等城

案以庶士為佐為之主者又能承受教誨學習儀刑以為黔首則故享國至三百五十年之久至是徙殘部於靈州慕容王又為安樂州刺史彼再傳而亡知秦與隋反夷狄之不

矣

丙子儀鳳元年春閏三月己巳吐蕃寇鄯廓河芳四州左監門衛中郎將令狐智

通伐之

殺略吏及馬牛萬計乃詔令狐智伐之乙酉又以周王顯為洮河道行軍元帥領左衛大將軍劉雷禮等十二總管相王輪為涼州道行軍元帥領契苾何力

等軍以

伐吐蕃

七月乙未吐蕃寇疊州

破齊恭丹 嶺一縣

丁丑二年夏五月吐蕃寇扶州

州將戰而敗八月辛亥以尚書左僕射劉仁軌為洮河道行軍鎮守大使師久無功仁軌每有奏請多被中書省李

敬玄知之由是怒之知敬玄掌詔詰答表皆文學之事而用兵非其所長欲中傷之

戊寅三年春正月丙子劉仁軌奏請李敬玄鎮守西邊許之

仁軌與敬玄不協知敬玄素非邊將才時吐蕃

數為邊患仁軌中書敬玄上言西蕃鎮守非敬玄可帝遠命敬玄代之大發兵討吐蕃敬玄言西蕃之小國非帝自往不可狀即命往卿不得辭也竟以敬玄為洮河道行軍鎮守大使檢校鄯州都督率兵代仁軌擊吐蕃上遣使募河南河其猛士以備吐蕃敬玄州長史李孝逸等發劍南兵先戰龍支吐蕃敗案洮水源出西傾之北初無州用也自即名洮河地高水急冬不凍激為冰珠故俗呼為珠子凌今人景所稱洮水高珠者



騎行約二百可到二百餘里至桑巴山由舊洮達馬達加開門南行至塔古兒莊由牙路  
寺渡洮河進拉巴溝騎行二百至呼兒山為局什安界自舊洮堡南出石碑溝至拉乍  
口渡洮河至答只老漢橋車溝騎行一日至光德山入番部界  
下山至札哈納時由流至牙路初節古哈墩亦為川甘交界

夏四月癸丑涇州民生子異體連心

六月遣吏部侍郎裴行檢為州刺史王方翼立波斯王行儉襲執西突厥阿史

那都支以歸初西突厥阿史那都支及其別帥李遮旬與吐蕃連和侵陷安西朝議欲發兵討之吏部侍郎裴行檢曰今波斯王卒其子貴京師宜遣使送歸道

過一府以直取之可不血刃而高也上從之乃命行儉册立波斯王行儉奏肅州刺史

王方翼為制越四州揚言項河源西上郡支脫知之遂不設備行儉曰四鎮官長謂曰昔

在此州羅獵甚衆今欲感善賞誰能從者諸胡子弟爭請行近得萬人行儉陽為政獵校

勒部何救日遂行道西漢云都支那王餘其遣使問其安否召與相見都支計無所出  
即子弟迎謁遂禽之問其精騎進掩其遮旬遮旬亦降於是因都  
支遮旬以歸遣波斯王自還其國留王方翼於安西使築碎葉城

秋九月丙寅李敬玄劉審禮及吐蕃戰於青海敗績審禮死之先是七月間敬玄所奏吐蕃入龍支

張度與之戰斬賊極多於是將兵十八萬遇虜於青海上將戰副總管工部尚書劉審  
禮先鋒擊之敬玄聞賊不與俱即走虜追擊之審禮既無繼援遂敗敬玄頓承風猶礙險

不得縱吐蕃王師屯左武衛將軍黑齒常之率死士五百夜奔其營虜驚自相輾藉而死者甚衆

案唐書李敬玄率副總管劉審禮擊吐蕃與吐蕃將論欽陵遇戰於青海上審禮深入敗沒敬玄按兵不救狼狽還走虜追擊之員外將軍黑齒常之夜帥死七襲擊虜營虜乃遁

去敬玄收餘衆還鄯州上嘉常之功擢拜左武衛將軍敬玄之西征也監察御史婁師德應猛士詔從軍及敗敵師德收集散亡軍乃復振因命使於吐蕃吐蕃將論贊婆迎之師

德官導上意諭以福福贊婆甚悅爲之數年不犯邊永隆二年審禮卒於蕃中吐蕃大將論欽陵祿東贊之子也與弟贊婆悉多于勃論皆有才略欽陵代父秉政三弟將兵居外

隣國畏之又吐蕃俗不言姓其王族皆稱論官族皆稱尙曰贊婆曰悉多曰干勃皆欽陵弟故稱論

慕壽祺曰兵所以平禍亂衛邊疆而宵小者流反借以中傷善類史策所書非一事矣然讒害爲得道之資成功乃書生之事使敬玄能自振勵如富弼使契丹小人之禍君子未

必非所以福君子况十八萬之衆何難敵一吐蕃卽不勝亦宜退守乃竟逗撓不前致令審禮被俘吐蕃益張國家之恥莫甚於此矣

庚辰 永隆元年秋七月吐蕃寇河源將軍黑齒常之擊卻之吐蕃贊普死子器弩悉弄立欽陵復擅政令贊

婆素和貴率兵三萬攻河源屯良非川李敬玄與戰湟川敗績以精騎三千夜搗其營贊婆懼引去遂擢爲河源軍經略大使常之以河源衝要欲加兵戍之而轉輸險遠乃廣置

烽戍七千餘頃歲收五百餘萬石由是戰守有備焉敬玄累表稱疾乞還醫治許之

案西甯府志黑齒常之百濟西部人儀鳳三年從李敬玄擊吐蕃王師敗績常之收集散亡擢武威將軍檢校羽林軍進河源軍副使調露中吐蕃使贊婆等入寇屯良非川李敬玄既敗常之引精騎三千夜襲其軍斬首二千級贊婆等單騎去即拜河源道經略大使永隆二年贊婆營青海常之馳掩其屯破之悉燒糧廩獲牛馬甲首不貲凡蒞軍七年吐蕃憚畏不敢盜邊封燕國公為周興等誣繫詔獄投饑死

慕壽祺曰自古兵馬精勁西戎之所長也我欲勝其所長難矣與其攻也不如固守蓋攻其遠則害必至攻其近則利亦隨守以上兵則安守以客兵則危黑齒常之以功擢河源軍經略大使不急攻吐蕃先為戰守之豫備乃嚴烽邏開屯田虜謀稍折邊方慶得人而周興殺之豈非自壞萬里長城耶

辛巳 朔耀元平春正月乙亥突厥寇原慶二州 時突厥溫博部又迎頡利族子伏念於夏州走度河立為可汗諸部嚮應遂寇

原慶詔裴行儉為大總管以右武衛將軍曹懷舜幽州都督李文暉副之謀者給言伏念溫博保黑沙饑甚可輕騎取也懷舜獨信之輕兵倍道至黑沙不見虜得薛陀延餘部降之引還

遣右衛將軍李知十三王泉等屯兵原慶以備突厥

案唐初原州平涼郡中都督府領縣二曰平高曰百泉廣德元年沒吐蕃於靈臺之百里城置行原州慶州順化郡中都督府本弘化郡天寶元年曰安化至德元載更名領縣十

日順化曰合水曰樂蟠曰馬嶺曰華池曰同川  
曰洛原曰延慶曰方渠曰懷安均屬關內道

慕壽祺曰慶州所屬十縣儘有可以歸併者既設合水則樂蟠華池延慶三縣可以省矣  
既設馬嶺則方渠一縣可以省矣當是時地無百里而數縣並置戶不滿千而二州並領

十羊九牧地少官多民之生  
於其間者所費不更多乎

主 永淳元年秋七月吐蕃入寇河源軍經略副使婁師德敗之

吐蕃論欽陵入寇  
漢秦渭諸州兵分

禦之又遣師德將兵擊之於白水澗入戰八  
捷上以師德為比部員外郎左驍騎郎將

黨項寇蘭州刺史崔知溫大破之

黨項羌三萬寇蘭州州兵寡衆懼莫知所出刺史  
知溫披闔不設備羌怪之不致進省將軍潘善才

率兵至大破其衆善才欲遂窮追取之知溫曰古人善戰弗逆奔且豁谷復深草木  
荒延萬一有變不可悔善才曰善分降口五百贈知溫辭曰我議公事圖私利耶

案史高宗太子名治在位三十四年改元十四曰永徽曰顯慶曰龍朔曰麟德曰乾封  
曰總章曰咸亨曰上元曰儀鳳曰調露曰永隆曰開耀曰永淳曰弘道帝自武氏為昭儀

以後其可予者惟幸涼州不果行一事耳若其瀆亂人倫委政房闈禍遺宗社真罪可勝  
書哉以弘道元年十二月崩於貞觀殿年五十六太子即位是為中宗祚事咸取決於太

后武氏

中宗

太后垂拱二年

以狄仁傑為甯州刺史

右臺監察御史晉陵郭翰巡察隴右所至多所按劾入甯州境耆老歐潤

史美德者盈路翰薦之於朝徵為冬官侍郎

慕壽祺曰余嘗過甯州父老言仁傑為刺史時撫和戎落得其歡心郡人立碑今有廟又祀六君子堂並祀名宦非所謂盛德至善民不能忘耶後引用張柬之等卒復唐室史稱

功番一時人不及知呂溫頌之曰取日虞淵先光咸池潛授五龍夾之以飛世以為名言旋乾轉坤非異人任矣然非有人推轂亦終老於邊疆耳嗚呼郭翰亦知人也哉

戊五年

太后垂拱四年

安樂州刺史慕容紹宗

子忠嗣忠卒子宣超嗣至聖曆三年授宣超左豹韜衛員外大將軍仍襲父烏鵲也

拔靺豆可汗超卒子曠皓嗣曠皓卒子兆嗣貞元十四年以朔方節度使大將軍慕容復長樂都督青海國王襲可汗號復卒停襲

己丑六年

太后永昌元年

秋七月太后遣章待價擊吐蕃大敗除名流離州

先是永昌元年太后詔文昌右

相章待價為安息道大總管安西大都護閻溫古副之以討吐蕃是年五月丙辰待價及吐蕃戰於寅識迦河敗績至是以兵逗遛坐死徙

壬戌九年

周武氏天授二年

夏五月丁亥岑長倩為武威道行軍大總管以擊吐蕃

是歲十月己酉

殺岑長倩

冬十月周遣兵擊吐蕃取四鎮

初王孝傑從劉審禮擊吐蕃與審禮皆敗沒孝傑後竟得歸由是知吐蕃虛實會西州都督唐休環請復取龜

茲於闐疎勒碎葉四鎮敕以孝傑及阿史那忠節將兵擊破吐蕃復取四鎮遂置安西都護於龜茲發兵戍之

癸巳十年 周武氏長 冬十月丙戌武威軍總管王孝傑大破吐蕃復取四鎮

初吐蕃大首領

曷蘇率貫川部與黨項種三十萬降后以右玉鈴衛將軍張玄遇為安撫使率兵二萬迎之次大度水吐蕃禽曷蘇去而它酋皆插又率羌蠻八千自來玄遇即其部置葉州用皆插為刺史刻石大度山以紀功是歲又詔右鷹揚衛將軍王孝傑為武威道行軍總管率西州都督唐休環左武衛大將軍阿史那忠節擊吐蕃大破其眾復取四鎮更置安西都護府於龜茲以兵鎮守護者前廢四鎮右史崔融獻議曰高宗時有司無狀棄四鎮不能有而吐蕃遂張入焉耆之西長鼓右驅踰高昌歷車師鈔常樂絕莫賀延磧以臨燉煌今孝傑一舉而取四鎮還先帝舊封若又棄之是自毀成功而破完策也夫四鎮無守胡兵必臨西域西震則威濟南羌南羌連衡河西必危且莫賀延磧袤二千里無水草若北接虜唐兵不可度而北則伊西北廷安西諸蕃悉亡讎乃格於是首領勃論贊與突厥僞可汗阿史那倣子南侵與孝傑戰冷泉敗走

甲午十一年

周武氏延載元年

春正月甲戌突厥默啜寇靈州右鷹揚衛大將軍李多祚

敗之 突厥可汗骨篤祿率其子幼弟默啜自立為可汗至是寇靈州遺多祚擊之

以婁師德為河源積石懷遠等軍檢校營田大使

婁壽祺曰蘭州西甯等號有所謂屯糧者皆昔之營田也周武氏延載元年吐蕃小敗而突厥寇邊此亦勦敵防之不勝防矣邊將有時勝敵不過圖旦夕之安遽今班師又恐有風塵之警常此屯駐餉不能支武后為民生計為樽節計以師德熟悉邊情命為河源積石懷遠等軍營田大使以修屯政深得古人用兵之善法矣噫古人幾經籌畫而後人廢之又欲改屯為民是豈不可以已乎

三月甲申以僧薛懷義為朔方道大總管討默啜

先是二月庚午因突厥默啜攻靈州太后以僧薛懷義為伐逆道行

軍大總管率朔方道總管契苾明雁門道總管王孝傑威化道總管李多祚豐安道總管陳令英瀚海道總管田揚名等凡十八將軍兵出塞雜華善步騎擊之至是又改為朔方

道行軍大總管以檢校內史李昭德為朔方道行軍長史鳳閣舍人蘇味道為行軍司馬不見虜還

劉友益曰斯役也書討何重辭也於是命領十八將軍以蘇李二相為之長史司馬事任重矣而以一僧總之果其人乎綱目重其詳所以病太后也

乙未十二年

周武氏天册萬歲元年

秋七月西番吐蕃寇臨洮以王孝傑為肅邊道行軍大

總管討之

是年五月丙午李傑為朔方道行軍總管以擊突厥至是有臨洮之捷

丙十三年周武氏萬歲春正月甲寅以妻師德為肅邊道行軍副總管擊吐蕃申申通天元年七月

庚子貶師道為原州都督府司馬

案舊唐書師德在河隴前後四十餘年恭勤不怠民夷安之性沉厚寬恕狄仁傑之入相也師德實薦之而仁傑不知意頗輕之太后嘗問仁傑曰師德賢乎對曰為將能謹守邊陲賢則臣不知又曰師德知人乎對曰臣嘗同僚未聞其知人也太后曰朕之知卿乃師德所薦也亦可謂知人矣仁傑既出嘆曰素公盛德我為其所包容久矣吾不得窺其際也

三月壬寅王孝傑妻師德與吐蕃將論欽陵贊婆戰於素羅汗山唐兵大敗素羅

汗山在故洮州廳西口外

秋九月丁巳突厥獻驘寇涼州執都督許欽明時欽明兄欽寂為討擊副使與契丹戰敗被擒契丹圖安東令欽寂說其

屬城未下者欽寂謂城中曰狂賊天決滅在朝夕公但屬兵謹守以全忠節突厥殺之欽明以軍功歷安西大都護鹽山郡公授金紫光祿大夫涼州都督嘗出按郡突厥獻驘率眾數萬突至城下拒戰久之力屈被執賊將欽明至靈州城下令說城中早降欽明大呼曰賊中都無飲食城內有美醬乞二升梁米乞二斗墨乞一挺是時賊營處四面阻泥河



惟有一路得入欽明乞此物以喻城中其  
其簡兵陳將候夜掩襲城中無悟其旨者

### 吐蕃遣大將論欽陵請和

吐蕃遣使者請和約罷四鎮兵求分十姓地武后詔通泉尉  
郭元振往察其宜至野狐橋與欽陵遇元振曰東贊事朝廷

誓好無窮今我自絕歲擾邊父通之子絕之孝乎父事之子叛之忠乎欽陵曰然然天子  
許和得罷二國戎使十姓突厥四鎮各建君長俾其國自守若何元振曰唐以十姓四鎮  
撫西土爲列國主道非有他且諸部與吐蕃異久爲唐編人矣欽陵曰使者意我規削諸  
部爲唐邊患邪我若貪土地財賦彼青海漁川近矣今舍不爭何哉突厥諸部積漠廣莽  
去中國遠其安有爭地萬里外邪且四夷唐皆臣并之雖海外地際靡不磨滅吐蕃適獨  
在者徒以兄弟小心得相保耳十姓五咄陸近安西於吐蕃遠候斥距我裁一磧騎士騰  
突不易旬至是以爲憂也烏海黃河關源阻與多瘴毒唐必不能入則弱甲屢將易以爲  
蕃患故我欲得之非圖諸部也甘涼距積石道二千里其廣不數百狹纔百里我若出張  
掖玉門使大國春不耕秋不穫不五六年可斷其右今棄不爲亦無虞於我矣青海之役  
黃仁素約和邊守不戒崔知辯徑俟斤掠我牛羊萬計是以求之使使者固請元振固言  
不可許  
后從之

附郭元振疏曰欽陵求罷兵割地此乃利害之機不可輕舉措也今若直拒  
其善意則爲邊患必深宜以計緩之使其和望未絕則善矣彼四鎮十姓吐

蕃之所甚欲也而青海吐谷渾亦中國之要地也今報之宜曰四鎮十姓之地本無用於中國所以遣兵戍之欲以鎮撫西域分吐蕃之勢使不得併力東侵也今若果無東侵之志當歸我吐谷渾諸部及青海故地則五侯斤部亦當以歸正蕃如此則足以塞欽陵之口而亦未與之絕也若欽陵小有乖違則曲在彼矣且四鎮十姓款附歲久今割而棄之恐傷諸國之心非所以禦四夷也武氏遂從其言元振又言吐蕃百姓疲於徭戍早願和親欽陵利於統兵不欲歸款若國家歲發和使而欽陵常不從命則彼國之人怨欽陵日深望國恩日甚斯亦疑間之漸可使其上下猜阻禍亂內興矣武氏亦深然之

己十六年 周武氏聖歷二年

春二月吐蕃贊婆弓來降

初吐蕃贊普器弩悉弄倚欽陵兄弟用事皆有勇略諸胡畏之欽陵

同化之

居中秉政諸弟握兵分據方面贊婆常居東邊為中國患者三十餘年尋辱悉弄浸長陰與大臣論屢謀誅之會欽陵出外贊婆殺其親黨二千餘人欽陵自殺贊婆歸所部千餘人欽陵子弓仁以所統吐谷渾七千餘騎俱來降

秋八月庚戌命魏元忠為隴右諸軍州大總管以擊吐蕃

是歲冬十月辛亥以元忠為肅關道大總管以

備突厥十二月突厥掠隴右諸監馬萬餘匹而去十八年又以元忠為靈武道大總管以備突厥是歲十月壬寅元忠同鳳閣鸞臺三品久視三年八月丁酉貶元忠為高羅尉

庚子十七年周武氏久視元年春正月突厥寇靈州

夏四月慕容宜超襲故可汗號

宣超故吐谷渾可汗諾曷鉢之孫自國亡徙居靈州太

後以宣超為左豹騎員外大將軍襲故可汗號其吐谷渾殘部詣涼甘肅瓜沙等州降宰相張錫與右武衛大將軍唐休璟議徙其人於秦隴靈州令不得叛去涼州都督郭元振以為吐蕃近秦隴則與監牧雜處置靈州又遷默覈假在諸華亦不遠移其性也前曰王孝傑自河源軍徙耽爾乙旬貴置靈州既其叛乃入牧坊掠羣馬廢夷州縣是則遷中土無益之成驗往素和貴叛去於我無損退矣吐谷渾數十部皆與旬貴比邪今降虜非強服皆突矢刃棄吐蕃而來亦當循其情為之制也當甘肅瓜沙降者即其所置之因所投而居情易安磔數州則勢自分順其情乃其勢不壓於人可謂善奪我心者也歲遺饋過使者與宣超兄弟撫護之無令相侵奪生業固矣苟如叛去無損中國詔可宣超死子噤皓立噤皓死子兆立吐蕃復去安樂州而殘部徒朔

方河東語謬為退渾後貞元十四年以朔方節度副使左金武衛大將軍慕容復為長樂都督青海國王襲可汗號復死於朝案高宗咸亨元年吐谷渾地盡陷於吐蕃三年慕容復歸吐谷渾水南又徙靈州又置安樂州即拜刺史詔楊鉢卒子忠立忠死子官立官立宣超死子曩皓立曩皓死子兆立吐蕃復取安樂州於是殘部徙朔方河東語謬為退渾

秋七月丁酉吐蕃寇涼州隴右諸軍州大使唐休璟敗之於洪源谷 吐蕃將窮奔布支寇

涼州圍昌松唐休璟與戰於洪源谷謂諸將曰諸論既死窮奔布支新為將不習軍事請為諸君破之乃披甲先進陳六戰皆捷吐蕃大奔

吐蕃論弓仁來降 先是聖歷二年吐蕃大將論贊婆所遣于論人論內附至是論弓仁以所統七千帳來降於是多敗吐蕃兵於中國

辛丑十八年 周武氏大足元年又改長安 冬十一月以主客郎中郭元振為涼州都督隴右諸軍

大使 初涼州南北境不過四百餘里突厥吐蕃頻歲奄至城下百姓苦之元振始於南境陝口置和戎城北境磧中置白亭軍控其衝要拓州境千五百里自是寇不復

至城下元振善於撫御在涼州五年夷夏畏慕令行禁止牛羊被野路不拾遺初西突厥酋烏質勒部落強盛款塞願和元振即牙帳與計事會大雨雪凍冽烏質勒老不勝寒會罷即死其子凌葛以元振計殺其父欲擊之元振堅臥不寤明日素服待之哭甚哀凌葛感義遣獻馬駝牛羊吐蕃寇涼州元振於南陝口置和戎城北磧置白亭軍以制東要路

自是州  
無慮患

案和戎城在今古浪縣南十五里峽口元至元初立巡檢司於此明洪武十年因舊水名改爲古浪卽今縣治無名氏初秋過古浪詩云和戎舊蹟已彫殘古浪風高勒馬看山似劍分雙壁立縣如斗大一城團濶溪秋水新池環鑿鑿

續疎林漸染丹驛路迢迢通一鷺鷺鷺池畔好結桓  
白亭軍在今民勤縣北元和志白亭軍在姑臧縣北三百里馬城河東岸舊置守捉天寶十年哥舒翰改置軍因白亭海爲名行都司志有古城在衛北一百里相近有連城又有

三角城在衛北一百十里與宣威故城武安廢郡鼎足相峙

甘州刺史李漢通置屯田  
時郭元振都督涼州漢通開墾屯田盡水陸之利舊涼州粟麥斛全數千錢及漢通收率之後漢通收稅一縑數十斛

積軍糧支數  
十年之用

壬寅十九年周武氏長  
春正月突厥寇鹽夏遣薛李昶張仁恩禦之  
突厥殺掠人吏遺李昶等擊之

冬十二月靈武軍大總管沙吒忠義及突厥戰於鳴沙敗績

癸卯二十年周武氏長  
夏六月甯州大水

甲二十一年武氏長安四年秋七月甲午夏官侍郎宗楚客貶原州都督

九月壬子以知羣牧使兼攝右肅政臺御史大夫姚元之出為靈武道行軍大

### 總管

案靈州靈武郡大都督府領縣四曰回樂曰靈武曰懷遠曰保靜有府五曰武略河間靜城鳴沙萬春有朔方軍經略軍黃河外又有豐安定遠新昌等軍及豐甯保甯等城

冬十月辛酉以姚元之為靈武道安撫大使權檢校右監大夫

案史武則天名墨太宗時為才人高宗之后中宗之母嗣聖元年九月臨朝稱太后在位十五年改元十七曰光宅曰垂拱曰永昌曰天授曰載初曰如意曰長壽曰延載曰天冊萬歲曰證聖曰萬歲通天曰萬歲登封曰神功曰聖德曰久視曰大足曰長安初武氏天授元年即中宗嗣聖七年於九月改號為周稱皇帝以武王旦為皇嗣改姓武氏至神龍元年春正月張柬之等與兵討武氏之亂張易之昌宗等伏誅復唐國號太子即位是為中宗

乙神龍元年夏六月壬子左驍衛大將軍裴思諒為靈武軍大總管以備突厥

丙二年冬十二月己卯突厥默啜寇靈州鳴沙縣靈武軍大總管沙陀忠義與

戰軍敗 是役也死者幾萬人虜遂入原會多取牧馬帝詔絕昏聘斬馘者王以國官諸衛大將軍

丁未景龍元年春三月吐蕃遣使入貢

慕壽祺曰吐蕃自滅吐谷渾盡有青海地屢犯邊銳不可當謂者仁貴郭待封以十萬眾敗大非川一甲不返李敬玄劉審禮舉十八萬衆圍於青海身執賊庭鷹麟虎視與中國相抗者二十餘年至是忽遣使人貢河前居而後恭也蓋以國有內難故屈志以求和耳君子觀於吐蕃之內亂而知其國之不復振也後因祿山之變雖取隴右十八州究何益於強戰

夏五月戊戌左屯衛大將軍張仁愿為朔方道行軍大總管以備突厥 是月丙午假鴻臚卿

臧思言使於突厥死之上以突厥死之以突厥殺我行人詔仁愿屯邊明年始於河外築三受降城郭厥寇路久之以唐休頊代屯

冬十月張仁愿為朔方道大總管以擊突厥 比至虜已退仁愿追擊大破之

戊申二年三月丙辰朔方道大總管張仁愿築三受降城於河上 初朔方軍與突厥以河為境河北有

拂雲祠突厥將入寇必先詣祠祈禱牧馬料兵而後渡河時狀暖悉衆西擊突騎施仁愿請乘虛奪取漠南地於河北築三受降城首尾相應以絕其南寇之路太子少師唐休頊

以爲兩漢以來皆北阻大河今築城寇境恐勞人費功終爲虜有仁愿固請不已上竟從之仁愿表留歲滿鎮兵以助其功賊陽兵二百餘人逃歸仁愿悉擒之斬於城下軍中股慄六旬而成以拂雲祠爲中城距東西兩城各四百餘里皆據津要拓地三百餘里於牛頭朝那山北置烽候千八百所以左玉鈴衛將軍論弓仁爲朔方前鋒遊奕使成諾真水爲邏衛自是突厥不敢度山敗牧朔方無復寇掠

案甯夏府志西受降城在平羅縣東北地理志開元初爲河所圯後於城東別置新城按其地在河套西北雖去縣界尙遠而境相屬其中東二城在歸化城及吳喇武界楊芳燦受降城詩萬里榆關道韓公有舊城草埋危堞墮風挾怒沙鳴戍士囊弓臥邊民負耒耕無勞墮門設蕃部久輸誠

唐呂溫三受降碑銘其略云韓國公張仁愿請築三城中宗詔許橫議不撓於是留及瓜之成斬姦命之卒六旬雷動三城岳立以拂雲祠爲中城東西相去各四百里過朝那而北關斥堠迭望幾二千所擗費億計減兵萬人分形以護同力而守東極於海西窮於天納陰山於寸眸拳大漠於一掌驚塵飛而烽火耀孤雁起而刁斗鳴涉河而南門用晏閑韓公猶以爲未也將建大旆提金鼓神箭鞠虎旅看滄頭明滅與太白進退

冬十一月突騎施婁葛犯邊以將軍牛師獎爲安西副都護發甘涼兵兼徵吐

蕃討之敗沒

初婁葛統有父衆與其將闕曷忠節交怨數相攻擊總管郭元振奏追忠節入朝宿衛忠節行遇經略使周以悌以悌教忠節以千金路宗楚客等



願無入朝請導吐蕃擊娑葛以報忠節如其言楚客等即以御史中丞馮嘉賓持節安撫忠節侍御史李守素處置四鎮以將軍牛師獎為安西副都護發甘涼兵兼徵吐蕃以討娑葛忠節逆會嘉賓娑葛遣兵襲之生擒忠節殺嘉賓守素牛師獎與賊敗沒娑葛遂陷安西斷四鎮路遣使上表求楚客頭楚客表周以悌代元振娑葛遣元振書言我無仇於唐宗尚書受闕噉金欲加擊滅故懼死而闕元振遣子具奏其狀乞留定西土以悌竟坐流白州赦娑葛罪册為十四姓可汗

庚戌四年春正月命左驍衛大將軍河源軍使楊矩送金城公主歸吐蕃先是景隆二年吐蕃

遣使請和親上不許還其昏使或言彼來送公主且習聞華言宜勿遣帝以中國當以信結夷狄不許明年吐蕃更遣使者納貢祖母可敦俄請昏上以嗣雍王守禮女為金城公主出降吐蕃贊普是年十一月吐蕃遣尙贊咄名悉臘等逆公主帝念主幼賜錦綉別數萬雜伎諸工悉從給龜茲樂至是詔左驍衛大將軍楊矩為送金城公主入吐蕃使上為幸始平帳飲引羣臣及虜使者宴酒所帝悲涕歎歎為赦始平縣罪死皆免陽民繇賦一年改縣為金城鄉曰鳳池里曰愉別公主至吐蕃自築城以居拜矩鄯州都督

三月以河源九曲予吐蕃吐蕃與唐天子外雖和而內銜怨乃厚餉鄯州都督楊矩請河西九曲之地以為金城公主湯沐邑矩奏與之

慕壽祺曰九曲者水甘草良宜畜牧地與河西接固吐蕃百計圖謀而不得者也楊矩以邊疆要地拱手而與之人自是虜勢張雄易入寇為隴右邊患嗚乎矩亦漢奸也哉

案史中宗名顯太宗子即位之初改元嗣聖是年二月母武氏廢為廢陵王立豫王旦為太子後封相王即睿宗也武氏稱制還中宗於房州後五王起兵遂革周命中宗復辟改

元二曰神龍曰景隆以景隆四年六月崩  
年五十五皇太弟相王且即位是為睿宗

睿宗庚戌景雲元年置河西諸軍州節度支度營田督察九姓部落赤水軍兵馬

大使領涼州甘肅伊瓜沙西七州治涼州副使治甘州河西兵馬使

案元和志赤水軍在涼州城內本赤烏鎮有赤青泉因名之幅員五千一百八十里其  
最大也西二百里有大斗軍本赤水守捉開元十六年為軍因大斗拔谷為名東南二百  
里有烏城守捉南二百里有張掖守捉西二百里有交城守

捉西北五百里有白亭軍本白亭守捉天寶十四載為軍

又案回紇其先匈奴部人多乘高車元時號高車部或曰勒訛訛為鐵勒其部落十五  
種皆散處積北章紇其一也至隋曰車紇稍強始置君長尋改回紇唐貞觀中始遷於中

朝武后時突厥默啜方強取鐵勒故地回紇與契苾結譚三部度磧徙甘涼間然唐  
常取其壯騎在赤水軍天寶中回紇悉有鐵勒九姓九姓者曰契苾羅葛曰胡咄葛曰

勿曰拓跋息訖曰阿勿噴曰葛薩曰斛嗚素曰藥勿葛曰奚鄂勿子男所云  
山北九姓者也回族散處甘肅各州縣自此始回族多軍官亦由赤水軍始

辛亥二年拜太子隆基殿中監兼知內外閑廐檢校隨右驍衛制凡政事皆取太子處分

案李吉甫云貞觀中自長安東赤岸澤移馬牧於秦渭二州之北會州之南蘭州狄道縣  
之西置監牧使以掌其事仍以原州刺史為督監牧事以管四使南使在原州西南一百

八十里西使在臨洮軍西二百二十里北使東宮使寄理原州城內  
天寶中諸使共有五十監監牧地東西約六百里南北約四百里

以解琬為朔方大總管

琬後致仕會吐蕃嚴邊復召授左散騎常侍詔與虜定疆界因  
詰輯十姓降戶琬建言吐蕃不可以信約請調兵十萬屯秦渭

間防過其姦是冬吐蕃果  
入寇為秦渭兵擊走之

子王 太極元年 玄宗皇帝  
先天元年

夏六月辛酉刑部尚書郭元振為朔方道行軍大總管

以伐突厥

案史睿宗名且中宗弟武后立為太子居別殿稱制七年廢帝而自立國號曰周及玄宗  
為韋后所弑臨鑄王隆基起兵誅韋氏帝復辟在位三年改元三曰景雲曰延和曰太極  
太極元年即玄宗先天元年是年秋  
八月帝傳位於太子隆基是為玄宗

亥 宗 開元元年朔方大總管郭元振置營州

今甯夏平羅縣  
即古營州地

案營州本定遠城在靈州東北二百里其後為上縣隸靈州昭宗受禪元  
年靈威節度使韓遵表為州其地有羊馬城隔員四十里德安王樽所築

寅 甲 開元二年春吐蕃請定境於河源許之

吐蕃大酋丕達延上書宰相請戰盟文境  
於河源西左散騎常侍解琬洩盟帝命姚

崇等報書命宛持神龍誓往吐蕃亦遣尙欽藏御史名悉臘獻載辭未及定至達延將兵十萬寇臨洮入攻蘭涇掠監馬錫矩恐懼自殺

秋八月乙亥吐蕃寇邊以薛訥為隴右防禦大使擊之

吐蕃大將至達延乞力徐等衆十萬寇臨洮至渭源

掠牧馬命薛訥為隴右防禦使與郭知運王峻等並力擊上怒甚下詔自將討之是歲冬訥與吐蕃戰於武街大破之時王峻帥所部與訥會擊吐蕃方屯大來谷峻選勇士七百衣胡服夜襲之多置鼓角於其後前軍遇敵大呼後人鳴鼓角以應之吐蕃驚為大軍至自相殺傷死者萬計遂大潰始得與訥軍合

案唐書帝命訥以白衣攝左御林將軍為隴右防禦使以右驍衛將軍常樂郭知運為副使與太僕少卿王峻率杜賓客安思順以禦吐蕃辛巳大募勇士詣河隴就訥教習

九月以郭知運為節度大使領鄯州

冬十月薛訥破吐蕃於武階

是役也斬首一萬七千級獲馬七萬七千匹牛羊四萬頭會其酋六指鄉彌洪悉收所掠及校不賞

案魏書地形志南秦州領郡六曰天水曰漢陽曰武都曰武階曰仇池曰修武武階與武都並舉其非一地可知後魏南秦州西魏改為成州即今隴南成縣薛訥破吐蕃於武階

釋其地在渭州西界渭州昔之鞏昌府也

又案武街在今狄道州之東晉惠帝分狄道置武街縣屬狄道郡咸和中前涼張駿收河南地置武街屯護軍唐置驛玄宗時隴右防禦使薛訥破吐蕃於此

豐安軍使王海賓與吐蕃戰死之

王師與吐蕃又戰於長子豐安軍使郎將列將軍王海賓先鋒力戰死衆乘之虜大敗衆奔突不能

去相枕藉死洮水爲不流帝乃罷行詔徵舍人倪若水臨後軍實戰功且弔祭戰亡士

救州縣并塞吐蕃露齒宰相建言吐蕃本以河爲境以公主故乃橋河築城置獨山九曲二軍距積石一百里今歸負約請毀橋復守河如約詔可遣左

是歲隴右節度使王峻襲吐蕃追奔至洮水復戰於長城堡

案臨洮之名見於秦始皇本紀西至臨洮羌中括地志臨洮郡即今洮州乃以唐制言也文獻通考云岷州築長城之所起也即秦之臨洮境

乙卯三年夏四月庚申葛邏祿諸部來附以薛訥爲涼州大總管都督楊執一副

之屯邊以備突厥

初突厥可汗默曷裘老昏虐其葛邏祿胡屋鼠尼施三姓大漠都督特進朱斯陰山都督謀落節鶴玄池都督錫實力胡與李衆內

附詔處其衆於金山以右羽林軍大將軍薛訥爲涼州總管大總管節度赤水建康河源等軍屯涼州以都督楊執一副之右衛大將軍郭虔瓘爲朔州鎮軍大總管節度郭或大

武并州之北等軍屯并州以長史王峻副之撫新附檢鈔暴默曷曷葛邏祿等詔在所都護總管持角應援虜勢鋒前使默曷討九姓戰覆北九姓潰人畜皆死恩結等部來降

帝悉官之拜薛訥朔方道行軍大總管太僕卿呂延祚靈州刺史趙賓客佐之備邊詔金山大漠陰山玄池都督等共圖取默曷班賞格賜物給之默曷又討九姓拔野古戰獨樂

河拔野古大敗默啜輕歸不為備道大林中拔曳固殘衆突出擊默啜斬之乃與入善使  
郝靈佺傳首京師骨咄祿子闕特勒合故部攻殺小可汗反宗族略盡立其兄默棘連定  
為毗伽

可汗

突厥唐書突厥默啜既死噉欲谷為謀主奚契丹拔曳固等諸部皆內附突騎施蘇祿復  
自立為可汗突厥部落多離散毗伽可汗患之乃召默啜時牙官噉欲谷以為謀主噉欲  
谷年七十餘多智略國人信服之突厥降戶處河曲者聞毗伽立多復叛歸之并州長史  
王峻上言此屬徒以其國喪亂故相率來降若彼安甯必復叛去今置之河曲此屬桀黠  
實難制御往往不受軍州約束與兵剽掠聞其逃者已多與虜聲問往來通傳委曲乃是  
畜養此屬使為間諜日月滋久姦詐逾深窺伺邊隙將成大患虜騎南牧必為內應來逼  
軍州表裏受敵雖有韓彭不能取勝矣願以秋冬交大集衆諭以利害絕其資糧徙之內  
地二十年外漸變舊俗皆成勁兵雖一時暫勞然永久安靖比者守邊將吏及出境使人  
多為諛辭皆非事實或云北虜破滅或降戶安帖皆欲自衛其功非能  
盡忠謂國願察斯利口勿忘遠慮若留至河冰馳必有變疏奏未報

丙辰

四年冬十月突厥降戶跌跌思泰阿悉爛等叛命朔方大總管薛訥發兵追

討之

先是夏六月拔曳固斬突厥默啜以降全是突厥毗伽可汗默棘連既得阿思泰  
等欲南盜塞噉欲谷曰不可天子英武人和歲豐未有間且我兵新集不可動也

默棘連又欲城所都起佛老廟噉欲谷曰突厥衆不敵唐百分一所能與抗者隨水草射  
獵居處無常習於武事疆則進取弱則遁伏唐兵雖多無所用也若城而居戰一敗必為

彼禽且佛老教人仁弱非武彊術默棘連當其策  
即遣使者請和帝以不情答而不許俄下詔伐之

丁巳五年秋七月隴右節度使郭知運大破吐蕃於九曲

案西甯府志九曲在貴德所西南睿宗景雲初吐蕃路鄯州都督楊延請河西九曲地爲  
金城公主湯沐邑與之天寶中哥舒翰破九曲收復其地於是置神策軍及宛秀軍以實  
河曲或謂九曲卽大小榆谷唐高適  
有同李員外賀哥舒大夫破九曲詩

又案胡三省云大小榆谷卽唐之九曲去積石軍二百里東漢建武中滇良擊破先零奪  
屠大小榆谷地章和元年迷吾復據大小榆谷侵擾河湟鄯詔發兵擊之乃去永元十四  
年隴巖相曹鳳上言西羌爲寇常居大小榆谷土地肥美有四海魚鹽之利北阻大河以  
爲固緣山瀋水可廣田畜請及時規固二榆屯田積穀隔塞羌夷交關之路從之積石山  
在河州西北接西甯界亦曰小積石山  
本古唐述山也或曰榆谷在河州西

戊午六年冬十一月吐蕃請和  
初武階之捷上命左驍衛郎將尉遲瓌使吐蕃宣慰金城  
公主吐蕃亦遣其大臣請和用禮上不許因連歲犯

邊至是奉表請和  
以國有內難故也

己未七年秋九月突厥寇甘源官軍與戰敗績

申庚 八年秋九月突厥欲谷寇甘源等州涼州都督楊敬述爲所敗掠契丹部落

而歸

先是朔方大總管王峻奏請西發拔悉密東發奚契丹期以今秋掩毗伽牙帳於稽落水上毗伽聞之大懼噉欲谷曰不足畏也拔悉密在北庭與奚契丹相去絕

遠勢不相及朔方兵計亦不能來此若必能來俟其垂至徙牙帳北行三日唐兵食盡自去矣且拔悉密輕而好利得王峻之約必喜而先至峻與張嘉貞不相悅奏請多不相

必不敢出兵峻兵不出拔悉密獨至擊而取之勢甚易耳既而拔悉密果發兵逼突厥牙帳而朔方及奚契丹兵不至拔悉密懼引退毗伽欲擊之噉欲谷曰此屬去家千里將死

戰未可擊也不如以兵轟之去北庭二百里噉欲谷分兵問道先圍北庭因縱兵擊拔悉密大破之拔悉密棄潰走虜北庭不得入盡爲突厥所虜噉欲谷引兵還出赤亭掠涼州

羊馬楊敬述遣裨將盧公利判官元澄將兵邀擊之噉欲谷謂其衆曰吾乘勝而來敬述出兵破之必矣公利等至刪丹與噉欲谷遇屠兵大敗公利澄脫身走毗伽由是大振盡

有默啜之衆契丹牙官可突干驍勇得衆心李婆固猜畏欲去之是歲可突干舉兵婆固

婆固敗奔營州營州都督許欽澹遣安東都護薛泰帥驍勇五百與奚王李大酺奉婆固以討之戰敗婆固李大酺皆爲可突干所殺生擒薛泰營州震恐許欽澹移

軍入渝關可突干立婆固從父弟鬱干爲主遣使請罪上赦可突干之罪

辛酉

九年秋七月突厥可汗默棘連請和詔朔方西受降城許互市

歲賜帛數十萬

冬十一月突厥寇涼州 殺人掠羊馬 數萬計而去



是歲置朔方軍節度使

領單于大都護府夏鹽綏銀豐勝六州定遠安豐二軍中東西受降城明年增領魯麗契三州調露元年於靈夏南境以降

突厥置魯州麗州塞州依州契州舍州謂之六胡州屬宥州甯朔郡

十年夏四月置朔方節度使領單于都護府夏鹽等六州二軍三受降城

宰相張說兼領之

是年秋張說巡邊討康待賓餘黨悉平之奏罷邊兵二十萬人初

汗張說發兵追討擒之其黨悉平徙殘胡五萬餘口于許汝唐鄧仙豫等州空河南朔方千里之地先是綠邊戍兵常六十餘萬說以時無強寇奏罷二十餘萬使還農

癸亥十一年六月王峻赴朔方軍

上以峻為朔方節度使兼知河北都隴右河西兵馬使

乙丑十三年春正月壬子葬朔方隴右河西戰亡者

丙寅十四年冬十一月吐蕃悉諾羅寇甘州河西節度使王君奭擊破之

初吐蕃自恃其強

嘗用敵國禮辭指恃慢上意常怒之返自東封張說言於上曰吐蕃無禮誠宜誅夷復連兵十餘年甘涼河鄯不勝其弊雖帥屢捷所得不償所亡聞其悔過求和願聽其款服以紓邊人上曰俟吾與王君奭議之說退謂源乾曜曰君奭勇而無謀常思倖幸若二國和親何以為功吾言必不用矣及君奭入朝果請深入討之去冬吐蕃大將悉諾羅寇大斗

谷進攻甘州焚掠而去君奚度其軍疲勒兵躡其後會大雪虜凍死者甚衆自積石軍西歸君奚先遣人開道入虜境燒道旁草悉諾羅至大非川欲休士馬而野草皆盡馬死過半君奚與秦州都督張景順追之及於青海之西乘冰而渡悉諾羅已去破其後軍

案敦煌縣志王君奚字威明瓜州常樂人開元九年爲河西隴右節度使與郭知邁俱以驍勇著名爲虜所憚開元十四年吐蕃致書用敵國禮上怒君奚請深入討之會吐蕃寇甘州焚掠而歸君奚勒兵躡其後追及青海之西乘冰而渡破其後軍獲其輜項羊馬萬計而還以功遷左羽林大將軍明年爲回鶻酋長回紇承宗子獫輪合衆報仇伏兵所害

丁卯十五年春正月辛丑河西隴右節度王君奚及吐蕃戰於青海敗之

五月以慶王潭爲涼州都督兼河西諸軍節度大使梁王浚爲隴右節度大使

秋九月丙子吐蕃攻陷瓜州執刺史田元獻吐蕃大將悉諾邏瑪祿及燭龍莽布支攻陷瓜州執刺史田元獻及河西節度

使王君奚之父進攻玉門軍縱所虜僞使歸涼州謂君奚曰將軍常以忠勇許國何不一戰君奚登城西望而泣竟不敢出兵莽布支別攻常樂縣縣令賈師順率衆拒守及瓜州陷悉諾邏恭祿兵會攻之旬餘吐蕃力盡不能克使人說降師順不從吐蕃曰明府旣不降宜斂城中財相贈吾當退師師順請脫士卒衣悉諾邏恭祿知無財即退臨去毀瓜州城師順遽開門收器械修守備虜果復遣精騎還視城中知有備乃去

以宗室女文成公主妻吐蕃弄贊

詔江夏王道宗持節護送築館河源

案隋書地理志河源郡在青海煬帝大業五年置即吐谷渾所據之曼頭城梁載言十道志曼頭城在吐谷渾國西南二百里曼頭一作饅頭又作饅首大業四年裴矩以鐵勒擊吐谷渾拔饅頭赤水二城唐初吐蕃地西甯府志河源軍唐郎中李乙支置在故鄯城西南去今西甯縣境一百二十里或云趙充國停候也

閏九月庚子吐蕃寇安西城副都護趙頤貞擊破之

吐蕃大將悉諾邏恭祿燭龍莽布支攻陷瓜州後遂攻玉

門軍圍常樂不能拔同攻安西又為趙頤貞所敗

回紇襲甘州王君奭死之

君奭徵時數往來回紇諸部為所輕及節度河西回紇諸部君長皆快快恥為之下君奭怒數督過之既決擊遣人至

都言狀而君奭以叛謀流諸酋長回紇瀚海司馬護輸等益不平會吐蕃使問道突厥君奭率騎到肅州掩取之還至甘州回紇狙兵發奪其節使左右親吏剖其心曰是始謀者君奭引帳下力戰兵盡死之護輸以君奭尸奔吐蕃追兵至乃舍去君奭被殺之地則甘州之鞏鞏驛也殺之者誰回紇司馬護輸也時回紇使中曰也

案史時張說為相帝欲事吐蕃說密請和親以休息鄰壑帝曰朕待王君奭計之說出告源乾曜曰君奭好兵以求利彼入吾言不用矣後君奭破吐蕃於青海西說策其且款因上嶺州鬪羊於帝以申諷諭曰使羊能言必將曰嗣而不解立有死者所賴至仁無殘量力取勸焉帝識其意納之賜綵千匹後瓜州失守君奭死

以朔方節度使兵部尚書蕭嵩兼判涼州事總兵以禦吐蕃

王君奭之死也事聞贈大都督上親書其

碑蓋痛惜之並以嵩兼判涼州事

突厥遣使入貢

吐蕃之寇瓜州也遣突厥毗迦可汗書欲與之俱入寇毗迦獻其書上嘉之聽於西受降城五市歲齎縑帛數十萬匹就市戎馬由是國馬益壯

冬以蕭嵩為河西節度副大使

時王君奭新敗河隴震駭嵩以裴寬為判官與君奭判官牛仙客俱掌軍政人心寢安

是歲朔方節度兼關內鹽池使

先是十四年朔方節度領關內支度營田使至是兼鹽池使明年廢達渾都督府朔方節度兼檢校渾部落使

二十年又增領押諸蕃部落使及閑廐宮苑監牧使二十九年又兼六城水運使

戊辰十六年春正月壬寅趙頤貞及吐蕃戰於曲子城敗之

案曲子城在今環縣南九十里又有靈祐城在縣南一百五十里皆明永樂初征西將軍何福重修

秋七月吐蕃寇瓜州刺史張守珪擊走之

蕭嵩奏建康軍使張守珪為瓜州刺史勅餘眾築故城板幹裁立吐蕃符至守珪於

城上置酒作樂敵疑有備不敢攻而退守珪縱兵擊之敵敗走守珪乃復修城合流散皆復舊業朝廷嘉其功以為瓜州都督嵩又縱反間於吐蕃云吐蕃大將悉諾邏恭祿

與中國通謀贊普誅  
之由是虜勢少衰

河西節度使蕭嵩鄯州都督張志亮攻拔吐蕃大莫門城焚橐駝橋

悉末嗣拔  
張守珪擊

敗嵩與志亮又大破吐蕃於渴波谷緞末朗走忠  
亮尾追之拔其大莫門城斬獲數千悉收其資畜

秋八月辛卯蕭嵩及吐蕃戰於祁連城敗之

吐蕃寇祁連城河西節度使蕭嵩遣左  
金吾將軍杜賓客將強弩四千與吐蕃

戰自辰至暮吐蕃敗潰獲其大將虜散走哭聲震山谷授嵩同中書門下  
三品杜賓客嵩副將時嵩又以裴寬為判官祁連城在今甘肅永固城南

案祁連故城在今甘肅永固城南三十里晉志永和中張旂置漢陽縣以守

牧地張玄靚改為祁連郡魏書李寶父翻為祁連晉昌二郡太守尋廢唐開

元十六年金吾將軍杜賓客破吐蕃於祁連城下即故城也胡氏鑑注城在

祁連山旁故名 甘肅舊  
通志

已十七年春三月朔方節度使信安王稹攻吐蕃拔石堡城

初吐蕃陷石堡城留  
兵據之侵涼河右上

命朔方節度使信安王禕與河西隴右同議攻取諸將咸以爲石堡險遠難攻禕不聽引兵深入急攻拔之分兵據要害拓地千餘里上大悅更命曰振武軍獻俘太廟上以雲賜將軍裴旻曰敢有掩戰功不及賞者士自陳將吏皆斬戰有逗留舉隊如軍法能禽其王者授大將軍於是士益奮

案西甯縣志石堡城在縣西南本吐蕃鐵仞城其城崖壁峭立數十仞三面險絕惟一徑可上石路盤曲長三四里唐開元十七年信安王禕出隴西拔石堡城置振武軍天寶八載隴右節度哥舒翰攻石堡城吐蕃以數百人守之唐兵死者數萬僅而克之詔以石堡城爲神武軍至德初復沒於吐蕃

庚午十八年冬十月戊子吐蕃遣使請和吐蕃兵數敗而懼乃求和親忠王友皇甫惟明因奏事從容言和親之利上曰贊普嘗遣吾書

待慢此何可捨對曰贊普當開元初年尙幼穉安能爲此殆邊將詐爲之欲以激怒陛下耳夫邊境有事則將吏得以因緣盜匿官物妄述功狀以取勳爵此皆惡臣之利非國家之福也兵連不解日費千金河西隴右由茲因蹙陛下誠命一使往覲公主因與贊普相約結使之稽顙稱臣永息邊患豈非御夷狄之長策乎上悅命惟明與方傳張元方使於吐蕃贊普大喜遣其大臣論名

悉從隨惟明入貢遂復款附

癸酉二十一年九月吐蕃贊普請於赤嶺定蕃漢界吐蕃請交馬於赤嶺至南於甘松嶺宰相裴光庭曰甘松中阻阻不

如許赤嶺乃聽以赤嶺爲界表以大碑刻約其上又請五經敕書寫賜并遣工部尚書李昂往聘賜物萬計吐蕃遣使謝且言唐吐蕃皆大國今約利爲長久計恐邊更有妄意

者請以使人對相曉敕今昭然且知帝又今金吾將軍李德裕赤檣檣詔張守珪與將軍李行禕吐蕃使者莽布支分諭劍南河西州縣曰自今二國和好無相侵擾漢使告亦之如

案唐書赤嶺距長安三千里而贏劉元鼎使吐蕃日記過石堡城右行營十里土石皆赤虜曰赤嶺西甯府志唐界碑在西甯縣西赤嶺臨吐蕃界開元中許吐蕃互市詔張守珪李行禕與吐蕃使莽布支定分界於赤嶺之西即此

莫壽祺曰蕃漢互市以其所有易其所無便於蕃者亦未嘗不便於漢人也玄宗許吐蕃互市定界於赤嶺之西蕃漢各豎一碑庶幾永遠遵守矣後四年崔希逸自涼州南率衆入吐蕃界至青海西胡佐素文子耆與吐蕃遇大破之師還碎赤嶺分界碑何示人以不廣也豈非庸人自擾也哉

甲戌二十二年春二月壬寅秦州地震壓死四千餘人命蕭嵩賑恤又給復壓死者家一年三人者三年

是歲朔方節度兼關內道採訪使增涇原甯慶臨鄜坊丹延會宥麟十二

州以匡長二州隸慶州安樂二州隸原州

案唐志坊州武德二年析鄜州之中部鄜城置領縣四即陝西中部縣天寶初改曰中部郡丹州本丹陽郡義甯二年析延安郡之義川汾川咸甯縣置即陝西宜川縣天寶初年

改曰咸甯郡延州武德元年置即陝西延安府領縣十天寶初改曰延安郡會州武德二  
年以平涼郡之會稽鎮置即今靖邊縣貞觀八年改曰會稽郡宥州隋朔郡調露元年於  
靈州夏州南境以降突厥置魯州靈州舍州塞州依州契丹以唐人為刺史謂之六胡州  
麟州開元十二年析勝州之連各銀城置即陝西神木縣十四年廢天寶元年復置兼置  
新秦縣其年  
改新秦郡

徙秦州治所於成紀縣

以地震徙治秦至天寶元年遷  
治上邽大中三年復徙治成紀

秦州治所於成紀縣  
秦州一作成州在今秦安縣西北三十里漢成紀縣地後漢建武中封竇融弟友  
為顯親侯國於此晉為隴新縣屬天水郡後周廢唐開元中移成紀縣治此併秦州  
來治五代以後成紀更移  
渭水之南顯規城亦廢

乙二十三年獲玉真人像於羅川縣因改名真甯

羅川縣彭原縣天寶  
元年改真甯縣

案新唐志時於羅川獲玉真人像二十七因改名真甯字記唐開元二十三年明皇夢見  
現於羅底乃詔訪焉於彭原羅川縣東王村堡底莊有一老人引使者洞口見一白兔入  
穴遂掘得二十七仙玉石之像各題姓名得道士處並老人之數以應二  
十八宿遂於本縣置通聖觀別塑真容改縣為真甯即今之正甯縣也

丙二十四年以蓋嘉運為河西節度使

嘉運初為贛西節度使破突厥施立  
功還詔為河西節度仍令經略吐蕃



岑參玉門關與蓋將軍歌云蓋軍將真丈夫行年三十執金吾身長七尺頗有鬚玉門關  
城迴且孤黃沙萬里白草枯南鄰犬戎北接胡將軍到此備不虞五千甲兵膽力爲軍中  
無事但歡娛暖屋繡簾紅地鑪織成壁衣花毼鏡前侍婢瀉玉壺金釧點野醅酥餡  
緩金章左右趨衛兵即是蒼頭奴羨人一雙兩瓦都皓齒翠眉唇點朱清歌一曲世所無  
今日喜聞鳳將雛可憐絕勝秦羅敷使君五馬漫踟躕野草繡窠紅牙鏡金對樽  
蒲玉盤纖手撒作盧家中誇道不肯輸擲上昂昂皆駿駒桃花吐撥飯最殊騎將獵向城  
南隅腹手射殺千年狐我來塞外接邊儲爲君取  
醉酒刺沽醉爭酒盞相喧呼忽憶咸陽舊酒徒

賜朔方節度使牛仙客書  
仙客本鶉峽小吏向爲王君與腹心擢判官君  
與敗河西節度副大使蕭蕭用之至是爲涼州

都督其在河西能節用度勤職業倉庫充實器械精利上嘉之欲加尙書張九齡曰不可  
尙書古之納言唐與以來惟舊相及揚歷中外有德望者乃爲之仙客本河邊使典令察  
居清要忍羞朝廷上曰然則但加實封可乎對曰封爵所以勸有功也邊將實倉庫槍器  
械乃常務耳不足爲功欲賞其勤賜之金帛可也裂土封之恐非其宜上默然後用李林  
甫之言乃賜仙客  
得食實封三百戶

以崔希逸爲河西節度副大使鎮涼州  
赤嶺樹碑後吐蕃孽勃律因勃律告急上急  
令罷兵吐蕃不聽卒殲其國乃以希逸鎮涼

州兵端將自  
中國開矣

五丁

二十五年春三月辛卯河西節度副大使崔夷逸誘吐蕃戰於青海襲破之

初希逸遣人謂吐蕃大將乞力徐曰兩國通好今為一察何必更置兵守捉妨人耕牧請  
皆罷之乞力徐曰常侍忠厚言必不欺然朝廷未必專以邊事相委萬一有姦人交鬪其

間掩言不備悔之何及希逸固請乃刑白狗為盟各去守備於是吐蕃畜牧被野時吐蕃  
西蒙勃律勃律來告急上命吐蕃罷兵吐蕃不奉詔遂破勃律上甚怒會希逸兼人孫誨

人奏事白欲求功奏稱吐蕃無備請掩擊必大獲上命內給事趙惠琮與誨偕往審察事  
宜惠琮等至則矯詔令希逸襲之希逸不得已發兵自涼州南入吐蕃二千餘里至青海

西部佐素文子耆與吐蕃遇戰大破之斬首二千餘級  
乞力徐脫身走惠琮皆受厚賞自是吐蕃復絕朝貢

慕壽祺曰孔子曰言忠信行篤敬雖蠻貊之邦行矣曾國潘嘗言本此數語以辦交涉則  
得矣崔希逸鎮涼州與吐蕃將商議撤兵此固交涉之最大者一言一話當以忠信為之

本馬盟誓未久而襲敗吐蕃人之稱斯師也者其謂之何假令希逸奏請而  
後出兵猶可告無罪於夷狄計不出此雖僥倖以成功失信之愆能無愧乎

戊寅 二十六年春正月以李林甫兼隴右節度副大使

三月吐蕃寇河西左散騎常侍崔希逸擊破之鄯州都督杜希望又攻拔新羅

域制以其城為威戎軍  
希望拔吐蕃新城更號威戎軍碎赤嶺界碑時軍屢興府庫  
虛寡希望居數歲芻粟金帛豐裕希逸自知失信悒悒恨恨

漢晉西北國家閉關時代 玄宗

蘭州俊華印書館出版

甘肅通志卷六

四

召拜河南尹既而與趙惠琮俱  
見大崇疑而死孫誨亦及他誅

### 秋七月置鎮西軍於鹽泉城

都督杜希望發鄴州兵攻吐蕃河橋築鹽泉城於河左吐蕃發兵三萬逆戰左威衛郎將王忠嗣與希望合擊敗之

案一統志謂鎮西軍哥舒翰所置者然翰置於開元三年與此似非一地今循化縣河岸皆出鹽回民以為生業而掌教坊渡口又為津路往來吐蕃之地河橋必在於此故知在

循化縣之西河州志亦收鹽泉以循化舊屬河州故又伏羌縣西二十里亦有鹽泉城蓋唐武德九年於伏州廢城置鹽泉縣後改為夷賓

又案元和志鎮西軍在河州西一百八十里又有天成軍在州西八十里開元三年哥舒翰於索磨川置振武軍在天成軍西百餘里天寶十三年哥舒翰攻吐蕃雕窠城置耀武

軍在鄜州南二百里黑峽川

### 己卯二十七年秋八月壬午吐蕃寇邊河西節度使蕭昊敗之

崔希逸病死昊代為河西節度留後杜希

望為隴右節度留後吐蕃復寇邊昊與戰敗之

### 庚辰二十八年夏六月以蓋嘉運為河西隴右兩節度使

嘉運來獻捷上嘉其功故有是命嘉運恃恩流連不

時發裴耀卿曰嘉運誠勇烈有餘然言氣矜誇恐難成事且將軍受命鑿凶門而出今乃由宴朝夕殆非憂國愛人之心乞速遣進塗嚴加訓勵上乃趣嘉運行已而竟無功

辛巳二十九年冬十二月癸未吐蕃入寇陷廓州達化縣及振武軍石堡城

先是開元

七年節度使郭知運建石堡城後置振武軍唐取之吐蕃者也是年夏閏四月吐蕃四十萬衆入寇至安人軍渾崖輪將臧希液率衆五千擊破之至是又攻石堡城必欲得而甘心焉節度使蕃嘉運不能守遂陷

案西甯府志達化縣東晉置屬洮河郡唐屬廓州元和志東至廓州三十里後陷吐蕃廢其故城在貴德縣南安人軍故城在西甯縣西南一日安仁石堡本吐蕃鐵仞城詳見開元十七年信安王禕攻吐蕃拔石堡城案語內

案廓州唐置即今西甯貴德縣舊唐志廓州天寶初改甯塞郡乾元初復曰廓州屬隴右道治廣威縣魏置石城縣後改化城天寶元年又改曰廣威寧宇記州北至鄯州一百八十里東南至鳳林縣二百八十里東北至龍支縣二百九十里西北至鄯城縣二百八十里又引周地圖云魏明帝三年置石城縣元廢

是歲造報郡縣戶口之數

唐制戶籍三年一造自開元二十六年造于今三年矣時隴東朔方割歸關內道所造隴右河西各郡縣戶籍見唐書關

外各縣無從調查清末新疆土魯番勝金口廢城唐之天山縣也見開元二十六年戶籍殘本內有下下戶不課戶之名唐前天下人戶量其資產定爲九等先是開元二十五

年戶令云諸戶主皆以家長爲之內有課口者爲課戶無課口者爲不課戶諸視流內九品以上官及男年六十以上老男廢疾妻妾部曲客女奴婢皆爲不課戶此本下下戶係

第九等而又無課口者故謂之不課戶也

慕壽祺曰唐之政治務崇寬大而有司又不以經國馭遠爲意所在隱漏是以開元二十九年總天下戶凡八百九十萬四千七百九而不課戶竟佔三百五十六萬五千五百一十八戶此明皇極盛時也然明皇戶雖多而身自毀之盛極則衰理有固然當時卽無安祿山而禍亂亦難免矣

壬午 天寶元年以隴右節度使統歸洮河源白水安人振武威戎漠門甯塞積石

鎮西十軍

三月朔方節度使領邠州

後七年節度兼隴右兵馬使邠故作幽開元十三年以字類幽改

冬十二月戊戌節度使皇甫惟明及吐蕃戰於青海敗之

河西節度使王倕克吐蕃魚海遊奕軍

夏宕昌州爲懷道郡

宕州故城在岷州城南一百五十里陳置宕昌國天嘉元年設宕州總管府隋開皇四年廢府置宕昌郡領縣三日懷道良恭和戎

復以成州之潭水屬焉唐天寶元年更容昌為懷道郡後陷於吐蕃宋熙寧中收復置容昌堡屬岷州連蜀茶市國馬城有欽化禪院節憲統制以茶易馬處也後為金人所據及元將按竺兵至圍城城在山巔本乏水守者穴山為道下至溪澗取水入山元兵攻之累歲不能克適聞山下洞穴中有鸛鳴聲知其連水於是絕其水道城乃下後廢明時置驛仍設兵以防之

癸未 二年夏四月己卯隴右節度使皇甫惟明擊吐蕃取洪濟城

案洪濟城在今青海省積石山西一百八十里有金天軍唐哥舒翰拔洪濟城長慶中劉元鼎使吐蕃由洪濟梁南行尋河源皆其地也又有通濟橋在湟河上即振武城浮橋

乙酉 四載春二月以朔方節度使王忠嗣兼河東節度使 忠嗣為將專以持重安邊為務既兼兩道節制自朔方至

雲中數千里要害之地悉置城堡斥地各數百里每互市高估馬價諸部聞之爭以馬求市由是胡馬少唐兵益壯又兼河西隴右杖四節雲中郡者今山西大同府與朔方接壤

中有河套為北突厥往來必由之路

夏五月詔改兩京波斯寺為大秦寺 基督教之傳入甘肅自此始矣西洋基督教之外又有景教者本耶蘇教之一派西歷紀元五

世紀之初當宋文帝元嘉元年叙里亞人聶思托良所創於四三一年任主教同時埃及又有西黎耳派與之對抗東羅馬帝詔阿德修司第二召集兩派會議欲調和之不成遂

聶思托良一作聶思托爾

唐德宗建中二年大德僧景淨  
 年大德僧景淨  
 行中國禪教流  
 顯即呂秀巖書  
 其碑日久埋沒  
 明末發現天啓  
 間李之藻覆景  
 禱甲申遠西陽  
 禱甲申遠西陽  
 馮諾著景教流  
 行中國禪教正  
 證一忽皆歸景  
 域為天主教東  
 來之始而不知  
 景教與天主教  
 尚小有別也

禁聶思脫里派傳教至四八九年叙里亞境俱絕遂東入波斯波斯王斐魯日斯崇奉之  
 尊為國教敷化東方頗行於中亞魏官武帝梁武帝時其教已流入中國紀元六三六年

當唐太宗貞觀中薩拉森回教徒並併波斯羅馬猶太諸部摧殘耶穌教士波斯人阿羅  
 本乃寶其經典至長安太宗使房玄齡賓迎留禁中翻經十二年七月為建波斯寺度僧

二十一人其徒自號景教取其教旨光輝發揚之義也高宗時更於諸州建波斯寺號阿  
 羅本為鎮國大法王其教大行至是詔波斯經教本出大秦其兩京波斯寺宜改名大秦

寺案陶葆廉辛卯侍行記大秦即西羅馬今之意大利在歐羅巴洲猶太為今土耳其東  
 南境在亞細亞洲本非大秦耶穌未生前六十三年羅馬破猶太都城拂赫即耶路撒冷

猶太既為羅馬故羅馬大秦之號越海而加於拂赫教士初來稱波斯僧其大秦寺  
 亦稱波斯寺者緣波斯為西域古國猶太曾服屬波斯故假其上國之名以示大耳

又敦煌石室遺書有景教經目三十四曰敬禮常明皇樂經曰志元安樂經曰天寶藏經  
 曰多惠聖王經曰阿思瞿利容經曰渾元經曰通真經曰寶明經曰傳化經曰馨宜經曰

原靈經曰述略經曰二際經曰徵誠經曰常思經曰宣義經曰師利海經曰寶路經曰王  
 經刪河經曰藝利月思經曰常耶題經曰儀則律經曰毗過啓經曰牟世法王經曰三

威藏經曰伊利耶經曰退拂林經曰報信法王經曰彌施訶自在天地經曰四門經曰摩  
 薩吉思經曰啓真經曰慈利波經曰烏沙那經教煌石室有大秦景教三威蒙度讚一卷

原跋云本教經部五百二十部並另具葉梵音唐太宗皇帝貞觀九年西域大德僧阿羅  
 本屆於中夏並奏上本章房玄齡魏徵宣譯奏言後召本教大德僧景淨譯得三十部卷

餘大數具在貝  
 皮夾猶未繕譯

秋九月隴右節度使皇甫惟明與吐蕃戰於石堡城官軍不利副將諸葛

幕壽祺曰用兵之道攻城則難攻羌戎所守之城則尤難石堡遠在青海本吐蕃鐵仞城險而且高失而復得既得則必守之皇甫惟明於堅城已失之後必欲奪其巢穴與蟻蟻校短長吐蕃以主禦客則勞逸懸殊以高臨下則矢石交加以夷困華則資糧無所得戰略上處處失敗如此持久不戰而我之力疲矣况欲光復故物也哉





